

摘藻堂四庫全書薈要

史部

欽定四庫全書薈要

史部

十國春秋卷

九十一



詳校官員外郎臣楊世綸

欽定四庫全書薈要卷八千六百五十六

史部

十國春秋卷九十

檢討吳任臣撰

閩一

司空世家

司空姓王名潮字信臣光州固始人也五代祖暉為固始令民愛其仁留之因家焉及父恁業農頗以貲顯

按于

魏忠懿王廟碑云曾祖父贈光祿卿王父蘊王贈秘書少監父恁贈光州刺史繼贈太尉

唐末僖宗

入蜀羣盜起江淮壽春屠者王緒與妹壻劉行全聚衆

五百據壽州未幾衆萬餘自稱將軍復取光州劫豪傑

置軍中時潮為縣佐史

通鑑以潮為固始縣佐新唐書五代史以潮為縣史皆非也按

唐制諸縣丞簿尉之下有司功佐司倉佐司戶佐司兵佐司法佐司士佐通謂之縣佐縣佐皆有史路振九國

志曰潮少為縣佐史今從之與弟審邽審知以材氣知名邑人號曰

三龍緒署潮為軍正主廩庾士推其信是時蔡州秦宗

權方募士以益兵緒提二州籍附宗權宗權以緒為光

州刺史召其兵會擊黃巢緒遲留不行宗權發兵攻緒

緒率衆南奔

新唐書云它日賦不如期宗權切責緒懼與劉行全拔衆南走今從五代史

略

潯陽贛水取汀州陷漳浦皆不能有也初以糧少故兼

道馳約軍中曰以老孺從者斬潮與二弟時奉母行緒

切責潮欲斬其母潮等請先母死會諸將士皆為請遂

舍之

新唐書云會母死不  
敢哭夜殯道左疑非

有術士望軍氣言軍中當有

暴興者緒益猜忌潛視部下魁梧雄傑者多因事誅之

劉行全亦死焉衆懼曰行全親也且為軍鋒之冠猶不

免况吾屬乎

按閩書行全與弟德全待全戮力行問王  
緒忌而殺之王審知有國悼其死非罪為

立廟行次南安潮說其前鋒將曰吾屬棄墳墓妻子而

為盜者為緒所脅耳豈其本心哉今緒猜刻不仁將吏  
之材能者必死軍中方不保朝夕豈能圖成事哉且子  
美須眉才絕衆吾不知子死所矣前鋒將大悟與潮相  
持而泣乃選壯士數十人伏篁竹間伺緒至躍出擒之

一軍皆呼萬歲

按新唐書縛王緒者即劉行全非也今從通鑑及九國志

潮推前鋒

將為主前鋒將曰生我者潮也請以為主潮苦讓不克  
乃除地剗劔祝曰拜而劔三動者我以為主至審知劔  
躍於地衆以為神皆拜之審知讓潮自為副緒嘆曰我

不能殺是子非天乎

後潮幽緒于別館緒慙自殺

潮令於軍曰天子

蒙難今當出交廣入巴蜀以幹王室於是悉師將行會

泉州人張延魯等以刺史廖彥若貪暴聞潮治軍有法

帥耆老奉牛酒迎潮留為州將潮乃引兵圍泉州時光

啟元年八月也明年八月拔泉州殺彥若遂有其地

新唐

書紀王潮臨泉州劉彥若死之按諸書皆作廖彥若新紀作劉恐誤

先是黃巢將竊有福

州時建州刺史李乾祐棄城走後守李彥聖與戰死

建寧人陳巖聚眾千餘人

號九龍軍率眾拔之福建觀察使鄭鑑奏為團練副使

左廂都虞候李連驕慢不法縱其徒為郡人患巖將按誅之連奔溪洞中合衆攻福州巖擊破之鑑表巖自代

拜觀察使至是潮遣使降之巖表潮為泉州刺史潮既得泉州招懷離散均賦繕兵吏民悅之大順二年巖病

劇遣使以書召潮欲授以軍政未至而巖卒巖妻弟都

將范暉諷將士推己為留後

按五代史云巖景福元年卒蔣文憚閩中實錄云大

順中巖薨十國紀年在大順二年通鑑從之昭宗實錄在明年三月今從十國紀年又新唐書薛史閩書閩中錄皆云范暉巖婿餘書則云妻弟林仁志王氏啓運圖載監軍程克諭表云妻弟此為待實今從之巖舊



將多歸潮言暉可取

通鑑云暉驕侈失衆心

潮乃以從弟彥復為

都統弟審知為都監攻福州彌年不下

通鑑云民自請輸米餉軍平湖

洞及濱海諸蠻皆以兵船助潮○潮常駐輜重于武安場宿重兵守之名曰柳營

暉乞援于威

勝節度使董昌昌與巖姻好發溫台婺州兵五千救之

彥復等以援師且至請班師不許又請潮自臨軍且益

兵潮令曰兵盡益兵將盡益將兵將盡則吾至矣於是

彥復等急攻暉景福二年五月暉以印授監軍棄城走

庚子彥復等入城辛丑暉為將士所殺潮入福州自稱

留後素服葬巖以其女妻其子延晦厚撫巖家建州人

徐歸範以州應潮刺史熊博死之

何喬遠閩書云熊博建陽人有才勇尚氣

節徐歸範據州應王潮博遂遇害○稽神錄云博本建安津吏岸崩出一古塚有石銘云欲陷不陷被藤縛欲落不落被沙閣五百年後遇熊博博使平光寺僧葬之博後至建州刺史汀州刺史鍾全慕

舉籍聽命嶺海間羣盜二十餘輩皆降潰潮乃盡有五

州之地九月戊戌唐帝以潮為福建觀察使

新唐書云昭宗假潮

福建等州團練使俄遷觀察使今從通鑑

乾寧初黃連洞蠻二萬圍汀州潮

遣將李承勳將萬人擊之蠻解去承勳追至漿水口破

之閩地略定潮乃創四門義學還流亡定租稅遣吏巡  
州縣勸課農桑交好鄰道保境息民人皆安焉三年九  
月庚辰唐升福建為威武軍拜潮節度使檢校尚書左  
僕射四年冬潮有疾

按于兢碑記云乾寧三年僕射遘疾今從通鑑

審知知軍

府事十二月丁未潮薨表聞于朝贈司空開平時為潮  
立廟稱曰水西大王潮沈勇有智略弟審知為觀察副  
使有過輒加捶楚不以為嫌審知亦無怨色寢疾時捨  
子延興延虹延豐延休等而託審知以大事世咸服其

能知人

太祖世家

太祖名審知字信通

錢昱忠懿王廟碑人云字詳御

潮季弟也身長七

尺六寸紫色方口隆準常乘白馬軍中號白馬三郎所

居處恒有紫氣羃其上潮一日使日者視己兄弟曰一

人勝一人審知方侍潮側沾汗而退乾寧時為福建觀

察副使有僧涅槃者於衆中駭而指之曰金輪王第三

子降人間專生殺柄已而潮病命審知權知軍府事及

潮歿讓其仲弟泉州刺史審邽審邽以審知有功不受

審知乃自稱福建留後表于朝光化元年春三月己丑

唐以審知充威武軍留後檢校刑部尚書

新唐書云詔審知節度觀

後察留冬十月癸卯授金紫光祿大夫右僕射本軍節度

使三年春二月壬申加同中書門下平章事檢校右僕

射

唐書云審知厚事朱全忠全忠薦為節度使同中書門下平章事

俄改光祿大夫檢

校司空特進檢校司徒天復時唐帝在鳳翔賜審知朱

詔自三品皆得承制除授二年唐賜審知武庫戟十二

枝列於私門非恒例也是歲築福州外羅城四十里天祐元年夏四月唐遣右拾遺翁承贊加審知檢校太保封瑯邪王食邑四千戶食實封一百戶先是蕭梁有王霸者王氏遠祖也居福州怡山為道士常云吾子孫當王于此方乃為讖瘞壇下光啓中爛柯道士徐玄景斲地獲其辭曰樹枯不用伐壇壞不須結不滿一千年自有系孫列又曰後來是三王潮水蕩禍殃巖逢二乍間未免有銷亡子孫依吾道代代封閩疆解者以潮水蕩

禍殃謂潮除禍患開基業也巖逢二年間謂陳巖逢潮

未幾而亡也代代封閩疆謂潮與審知兩世也

閩書云光啓丁

未歲衢州爛柯山道士徐景立取土仙壇東北隅得甕瓶七口各可容七升水中悉有炭上總蓋一青磚識文

云云又閩人謠云潮水來巖頭沒潮水去矢口出矢口知

字也巖死而潮立潮死而審知繼之其言遂驗

黃滔集又云晉

郭璞記曰南臺江沙合即有宰輔相公之登台席也江沙契焉是歲建報恩定先多寶

塔于福州薦考司空妣秦國太夫人伯兄司空也海上

黃崎波濤為阻審知禱于海神一夕風雨雷震擊開為

港閩人以為德政所致唐帝賜號曰甘棠港封其神曰

靈顯侯

一作顯應侯○三山志云五代史謂閩人號甘棠港誤

是時命管內軍州

搜遺書繕寫以上

天祐二年夏四月王藏佛經于壽山凡五百四十一函

總五千四十八卷唐學士韓偓挈族來奔佛齊諸國來

賓是歲築南北夾城謂之南北月城合大城而為三周

二十六里四千八百丈大城之門八曰福安門清平門

清遠門安善門通遠門通津門濟川門善化門南月城



之門二曰登庸門

以登庸名門者應郭璞合沙之譏門有橋曰合沙橋

道清門北

月城之門二曰道泰門嚴勝門

舊有嚴氏居邇于壕家鷲米取贏極薄會天旱

刺史夢神告之曰必得如嚴者使禱刺史致嚴遂得雨因以名門

復塑北方毘沙門天

王以鎮之命唐國子四門博士黃滔為碑文以紀其事

碑文畧曰公之築城也恢守地養民之本隆暫勞永逸之策其名舉一而生三法陽敷也曰大城焉南月城焉

北月城焉周圍二十六里四千八百丈基鑿于地十有五尺杵土胎石而上上高二十尺厚十有七尺甃以磚

凡一千五百萬片上架以屋其屋曰廊其大城之廊也一千八百有十間自廊凸而出之為敵樓樓之層者二

十有三又角立之樓六其二者層復層焉皆欄干鈎聯參差煥赫而廊之若干步一鋪又各以鼓而司更焉凡

三十有六謂之更舖其四面之門八其南曰福安門福安之東曰清平門西曰清遠門其西北曰安善門安善之東曰通遠門其東曰通津門通津之北曰濟川門其西曰善化門皆鐵扇銅局開陽閣陰門之上仍揭以樓三間兩挾兩喻修廊雙面遠碧門之左右又引而出之為之亭兩門一履又匪樓之門九曰暗門焉又水門三其二樹檣篩波卸帆入舟鳴榔柳浦迴環一郊堤諸萬戶注之以堰二渡之以橋九鏡瑩虹橫交舫走蹄斯大城之制也粵南月城也東貯九仙西盛烏石之二山嘉樹蓄雲茂草藏獸城上之廊一千有三間敵樓四十有九樓之層者三其門二曰登庸門道清門其上之樓其下之扉左右之引亭建暗門八水門二其堰一其橋五及廊之更舖二十志與大城類其外之東西復距而出之謂之橫城其東也城上之廊四十二間五厦其門一斯南月城之制也伊北月城也城上之廊六百四十二間敵樓二十有六樓之層者十其門二曰道泰門嚴勝

門其上之樓其下之扉左右之引亭建暗門四水門二其橋一及廊之更鋪十有四復與南月城類又甃而出之謂之橫城城上之廊五間一履其門一斯北月城之制也其東畫長川以為洳西連乎南盤別浦以為溝悉通海鱗刺夕盈縮之波底澤鱗介岸泊艤艘北截越王之故山派西湖之為隍若鼉之負如甌之置軒軒然翼翼然天設之府神闢之地也

### 唐以梁王金忠秦賜王建祠福州勒功

于石

唐侍郎于兢撰碑文曰粵自範金合土之制雲師火紀之名禹別九州堯咨四嶽莫不簡求良輔弘

濟兆人彰克勤克儉之能垂可久可大之業嗣大叔寬猛之政循仲尼富庶之言既茂勲勞宜標篆刻公名審知姓王氏瑯琊人也其胙土命氏疏源演派代濟其美史不絕書後以太祖就祿光州因家于是郡焉曾祖友贈光祿卿王父蘊玉贈秘書少監父恁贈光州刺史繼贈太尉公即太尉季子也初公兄潮志尚謙恭譽高鄉

曲善于和衆士多歸之福建節度使陳巖即嚮其名又以所屬泉州求牧乃遣禮而請之及到任頗著嘉聲後巖在軍病甚不能視事軍士等懼無統御願有依從泉牧遂以郡委于仲弟審邽而與公偕赴至則積惡者屏去為善者獲安因詔授節度使累加檢校右僕射於是刻其訛弊整其章條三軍無譁萬姓有奉乾寧三年僕射蒞疾且付公以戎旅仍具表奏尋加刑部尚書咸武軍留後俄授金紫光祿大夫右僕射本軍節度使公器局端雅識理融明稟崑崙之真精得北橋之妙畧及膺帝命竊涉齊壇細柳連營旌旗動色蒲葦政草樹逢春一年而足食足兵再歲而知禮知義方隅之內仰止攸同曩以運屬艱虞人罹飢墊農夫釋耒工女下機公既統藩垣勵精為理强者抑而弱者撫老者安而少者懷使之以時齊之以禮故得汙萊盡闢雞犬相聞時和年豐家給人足版圖既倍井賦孔殷處以由庾取之合徵夫述職之道底貢為先九江爰序于厥苞五霸是徵

於縮酒雖向服之近江漢之中或過阻艱亦絕輸賦惟  
公益堅尊獎慎守規程松栢後凋風雨如晦地征旁午  
天庫充盈共仰勤劬咸知匡戴常以學校之設是為教  
化之原乃令誘掖童蒙興行敬讓幼已佩於師訓長昏  
寘於國庠俊造相望廉秀特盛閩川以南地雖設險人  
尚爭雄或因饑饉游臻或以刻剝為苦萑苻易聚粟心  
難探公感之以恩綏之以德且曰吏實為虐爾後何辜  
示以寬仁俾之柔服遂使數十年之氛殺遽致廓清一  
千里之封疆旋觀昭泰張綱以單車入壘虞詡用絳綬  
擒姦以古況今彼猶懷愧爰自天寶艱難之後經費實  
繁聚斂之臣名額滋廣即山鳩利任土庀財峻設隄防  
頗間賙贍泊經炸燧仍患崎嶇三司之職務空存四海  
之輪蹄鮮至公按其程課令以權衡畫叶舊規尤窮宏  
業而又奉大雄之教崇上善之因象法重興導師如缺  
虹梁雕拱重新利物之宮鈿軸牙籤更演毘尼之藏而  
又盛興寶塔多捨淨財日麗飛甍雲捲彩檻頽艷迴向

遠邇歸依用俾羣綠皆同妙果佛薺諸國雖同臨照靡  
葉冠裳舟車罕通琛賚同缺亦踰滄海來集鴻臚

此乃公示以中孚缺其內附雖云缺類亦慕華風宛土  
龍媒寧獨稱於往史條支雀卯諒可繼于前聞自燎熾  
西秦烟飛東觀魯壁之遺編莫抹周陵之墜簡寧存並  
命訪尋精于繕寫遠旨劉歆之閣不假陳農之求次第  
籤題森羅卷軸夫四鄰共守蓋當偃草之期七德方修  
必假禦衝之備蓋以恢張制度固護基扃程功而莫匪  
子來作事而適當農隙立崇墉之百雉表巨屏於一方  
巖邑湯池曾何足數折筭縈帶固不可憑未若暫勞致  
茲永逸兵戈海起帑庋多虛凡列土疆悉重征稅商旅  
以之而壅滯工賈以之而殫貧公則盡去繁苛縱其交  
易闕議鄺市匪絕往來衡麓舟鮫皆除守禦故得填郊  
溢郭擊鼓摩肩竟敦庶讓之風驟覩樂康之俗闡越之  
境江海通津帆檣蕩漾以隨波篙楫崩騰而激水途經  
巨浸山號黃崎怪石驚濤覆舟害物公乃具馨香黍稷

薦祀神祇有感必通其應如響祭罷一夕震雷暴雨若  
有冥助達旦則移其艱險別注平流雖畫鷁爭馳而長  
鯨弭浪遠近聞而異之優詔獎飾乃以公之德化所及  
賜名其水為甘棠港神曰顯靈侯與夫名神人以鞭石  
驅力士以鑿山不同年而語矣於戲辨真金於大冶認  
勁草于疾風不有良臣誰康澤國尋就加平章事檢校  
右僕射如故腰懸相印手握兵符蓋壯軍聲彌新殊渥  
又收光祿大夫檢校司空特進檢校司徒然而物議興  
詞功厚賞薄以為爵祿未稱酬庸於是異姓分封仍加  
井邑轉檢校太保瑯琊郡王食邑四千戶實封一百  
戶公之仲兄審邽自守泉郡一紀于茲黠馬皆調疲人  
盡泰公性惟雍睦氣稟中和韻契墳荒政侔魯衛可謂  
高明輝映超絕一時者也公以天下兵馬元帥太尉中  
書令梁王勳格穹吳德服華豷奉大國之歡盟為列藩  
之表率今節度都押衙程贊及軍州將吏百姓者老等  
久懷化育願紀功庸列狀上聞請議刊勒元帥梁王以

公如河誓著匪石情堅累貢表童顯陳保證朝廷冀弘  
誘勸特示褒持將建龜趺合徽鴻藻兢謬居清列曾之  
雄文項歲常詠皇華往宣宸旨已於視聽親飫徽猷今  
之執簡濡毫得以研精覃思備陳懿績實無媿詞乃作  
斯銘曰日月麗天舟楫濟川內外克入股肱惟賢淮水  
長清緹嶺方寧慶隨祚遠材為時生伯氏雄特衆人仰  
德求瘼斯勤頌條有則冠軍被疾付以師律政教翕張  
士庶寧謐懿被闕越師實英傑地列周封心馳魏闕聖  
澤汪洋元戎啓行有典有則為龍為光高懸秦鏡理道  
自靜比屋懷仁連營稟令航海梯山貢奉循環務其輸  
委毋憚險艱周征之術公田什一約以有程守而勿失  
輕徭薄賦謳歌載路高掩龔黃遐追召杜鄉校皆逝童  
蒙來求雅道靡靡儒風優優惟虺吹毒久依山谷罔忘  
陸梁竟忻柔服法寶芟宇勝因所主崇構斯精福慶攸  
聚佛齋諸國綏之以德架浪自東馭山拱北墜簡遺編  
繕寫精研麟臺盡爾武觀森然畚鍤其勤難堞連雲永



制爾敵用壯我軍閼譏不稅水陸無滯遐邇懷來商旅  
相繼黃崎之勞神改驚濤役靈祇力保千萬艘劉驥苟  
龍塌荒雍雍維邦維翰以侯以公元帥梁王武步龍驤  
挺彼七德削平四方公能事大推心斯在風雨無渝歲  
寒不改珠勛茂績盡瘁宣力國之丹青邦之柱石位冠  
台鼎任陸兵柄重以徽寵分錫異姓優詔銘功萬古英  
風貞珉是勒  
垂之無窮

是時王以俸泉為直進三司之運如故

兵興

以來天下以三司之泉皆名直進獨王以俸泉為直進闕廷大稱其美

天祐三年秋七月

乙丑鑄金銅佛像一高丈有六尺丁亥鑄菩薩像二高

丈有三尺冬十二月丙申迎像于開元寺壽山塔院

黃滔

丈六金身碑曰釋氏之稱釋迦牟尼佛千百億化身而  
古今之世以諸佛菩薩其或鑄成塑成刻成其或壁繪

幅繪乎像不可勝紀况多應現感通之自其非之乎我  
公粵天祐三年丙寅秋七月乙丑鑄金銅像一丈有六  
尺之高後二十有三日丁亥繼之鑄菩薩二丈有三尺  
高銅為內肌金為外膚取法西天鑄成東越巍巍落落  
毫光法相初我公登壇之三年己未秋一夕雨歇天清  
風微月明瑤兔無烟銅龍有聲俄夢天之西際燿以照  
物絳雲罅裂大佛中座嶽嶽以觀止熙熙而啓言曰斷  
予一臂衛茲一方既覺而思現乎形昭像也斷一臂誓  
誠也衛一方保衆也始嘉其異姑默其事後創其意乃  
命自宿席之逮將校將校之逮步乘步乘之逮衆庶其  
有植信根之深者映惠燭之明者許一以金投吾俸中  
將積于肆俟以銅易而後鳩工鴻鑪卜境擇日鑄斯佛  
于九仙山定先多寶塔之右古仙徐登上昇之地其日  
圓空境然江山四爽素籥之上騰為烟雲盤旋氤氳五  
色成文又有羣鳥或若鴻鵠或如鸞鵲交翔而間鳴自  
寅而及午斯佛也一寫而成翌日我公禮閱之乃與夢

中一類其形儀長短大小無少差其一臂工以之別鑄而會我公神之而露其夢于是迎入府之別亭磨瑩雕飾克盡其妙朝夕瞻拜時不之怠冬十有二月丙申會僧千千以幡以幢以鐘以磬引歸于開元寺壽山之塔院獨殿以居之翼二菩薩於左右三十二相足八十種好共螺纒纒以成髻珠隱隱以炫額檀信及門而膝地童童遍城而掌膠夫如是豈非千百億化身之一乎不然者焉得入乎夢而如乎神戒乎形而如乎夢夢不之告工以之缺者哉其應現感通復為之殊矣大矣哉且先天地生之謂道後天地設之謂象道也者以無為為志之也授心印於虛空象也者以有為為志之也壹惠力于報應論者或以之為風馬曾不謂象猶道之數也無象道不行矣始者摩騰竺法蘭二梵僧不慎其像東其道且西耳惜乎不與三皇五帝同世而出設與三皇五帝同世而出必能從容朴素遲回仁義詐偽未之亟靈也奈何天將後之豈徒然哉豈不以仁義之生也曰

堯與舜仁義之亡也曰癸與受至于列國之際強秦之  
立癸受之悖壘壘其躅天謂仲尼之祖述堯舜憲章文  
武終不能獨制之故東釋迦牟尼於中土大陳出生入  
死之理天堂地法之事以警戒之雖人世之風波萬態  
逆翻而幽府之鐵螺一無苟免上智聞之若鏡之磨中  
智聞之若泉之澄下智聞之若火之燒謂之為有則河  
沙芥子之說虛誕難測謂之為無則應現感通之事尋  
常立驗故能銷者怨更禍福一貴賤則為禪教化之一  
源湛然不動感而遂通者也而以金殿地蓮殿宮張法  
橋以度人無刑網以束俗世之敬之可也怠之可也躅  
之可也繇是有委之國君委之大臣之旨既而委之則  
人非常人道非常道我公曠代之生也有神僧識仗鉞  
之雄也應江沙期合仙人識築城之盛也契菩薩說夫  
神通為佛魂交曰夢神非夢而半通夢非神而不感我  
公之慶鍾也其如是矣其明年正月十有八日乙未設  
二十萬人齋號無遮以落之是日也綵雲纈天甘露粒

松香花之氣撲地經梵之聲入空座客有右省常侍隴  
西李公洵翰林承旨制誥兵部侍郎昌黎韓公僅中書  
舍人瑯琊王公滌右補闕博陵崔徵君道融大司農瑯  
琊王公標吏部郎中譙國夏侯公淑司勳員外郎王公  
拯刑部員外郎弘農楊公承休弘文館直學士弘農楊  
公贊國弘文館直學士瑯琊王公倜集賢殿校理吳郡  
歸公傳懿皆以文學之與比偃商侍從之聲齊褒而甲  
乙昇第巖廊韞望東浮荆襄南游吳楚謂安莫安于闕  
越誠莫誠于我公依劉表起襄漢其地也交轍及館值  
斯佛之成斯會之設俱得放心猿於菩提樹上歇意馬  
于清涼山中我公乃顧幕下者某俾刻貞石以碑之某  
以甲科忝第盛府蒙招刊勒之職不敢牢讓謹推于厥  
旨經云作佛像之功德斗量海以有盡塵碎劫以無窮  
至若青黛之畫辟支一金之補毘婆戲為之而以草木  
思見之而刻旃檀其猶蛻現其生羽金其報而况今乃  
儼至誠從靈感銅乎萬萬金乎千千虔鼓鑄于神仙之

山下貞吉于火土之數其積功累德豈可以邊以涯而  
言之哉或曰梁武帝之隆釋氏今古靡倫奚報應之昧  
乎對曰梁武帝隆釋氏之數不隆釋氏之昔所以然也  
夫帝王之道理世也釋氏之教化人也理世之與化人  
蓋殊路而同歸彼宵旰于萬有故一夫不獲若已隕諸  
隍中此濟渡于觸類故欲凡一有情悉皆成佛梁武帝  
則不然以民之財之力剝將三百祈功覲德則歸諸己  
帝億兆而不乳削頂額以言覺所以私所以然也今我  
公為邦則忠孝于君親牧人則父母于生民造塔四其  
一曰壽山以昭皇帝辛酉歲西廵發誓願以祝熊羆乞  
車駕之復宮闕其二曰報恩多寶定光追薦于先世其  
三其四大中神光為軍旅也為人民也繕經五歲其二  
進于上其三附于壽山定光大王意同乎塔月三其齋  
或千僧或千佛疏乎誠首則君親次則軍旅人民而已  
後焉况斯佛已之而不已故其地出明珠海出珊瑚幾  
于蓮苑妙品之繁車渠馬瑙幡幢瓔珞周乎多寶之湧

也夫其玄貺之如彼靈感之若此則斷一臂銜一方斯  
昭昭矣豈與彼而論哉某是輒奮筆而無媿也其詞曰  
託人佳夢鑄成鴻鍾臺光法相銅肌金膚恍惚現形昭  
彰合符不有為也其如是乎唐一其宇越百其區伊闕  
之設于地之殊西域甌仞東塹鰲隅匪德莫處惟仁靡  
逾懿其橐籥飛作醍醐焦山草木不得不蘓若海波瀾  
不得不枯仙花因謝惠日  
字徂永茲一方磐石其都

是時西天國聲明三藏來

### 賓築還珠門

天祐四年春正月乙未設二十萬人齋于開元寺殿號  
曰無遮夏四月梁王晃即皇帝位國號梁改元開平五  
月己卯梁加王兼侍中冬十一月梁封福州閩縣玷琦

里古廟為昭福祠從王請也是歲以九仙山萬歲寺請為梁主祝釐表額曰壽山

開平二年春正月梁詔改福州福唐縣曰永昌

開平三年夏四月庚子梁加王中書令福州大都督長

史進封閩王

五代會要作開平四年

秋八月淮南遣使張知遠來

聘舉止倨慢王斬之上其書于梁始與淮南絕王雖據有一方府舍卑陋未常葺居恒常躡麻屨寬刑薄賦公私富實境內以安歲自海道登萊入貢於汴沒溺者什



四五

通鑑註云自福州洋過温州洋取台州洋過天門山入明州象山洋過淞江掠浏港直東北度大洋

抵登萊岸風濤至險故沒溺者衆

開平四年

缺

月命員外郎崔

缺

聘於南海是時大

濬侯官縣西湖廣至四十里灌溉民田無筭

乾化元年春正月丙戌朔日有食之夏五月梁大赦改

元冬十月置閩清縣於梅溪場隸福州

五代會要云閩清移就梅溪場

置宋白續通典曰唐貞元元年割侯官縣十鄉為梅溪場梁乾化元年改為閩清縣是歲遣使致

祭於南平王改長樂縣曰安昌

同光初復舊

以劍州為延平

鎮

乾化二年夏四月月掩心大星壬申彗出于張六月梁  
主疾革郢王友珪反戊寅梁主遇弒殂友珪改元曰鳳  
歷

乾化三年春二月梁友珪伏誅均王即位于東都復稱  
乾化三年遣使者來宣詔

乾化四年 缺 月天雨豆于境內

貞明元年冬十一月乙丑梁改元貞明是歲王秦封龍

驤侯為弘潤王

故閩越王郢第三子也禱雨輒應唐咸通時封龍驤侯

置鉛場於

汀州寧化縣

十國紀年云寧化縣出鉛置鉛場

貞明二年冬王與吳越為昏吳越牙內先鋒指揮使錢傳珣來逆婦是歲鑄鉛錢與銅錢並行

貞明三年冬十一月丙子朔日南至是歲王為子牙內都指揮使延鈞娶越王巖之女

貞明四年夏六月吳將劉信攻虔州譚全播來乞師王出兵鄆都以救之秋八月聞楚敗引還

貞明五年 缺

月王夢梵僧數百輩奕奕有光所至處

有雙檜並池而秀一僧前跏曰王能飯吾于此乎及旦

訪得其地而築室焉命池曰浴聖檜曰息聖

王氏雅重佛法增闡

僧寺凡二百六十七後屬吳越首尾二十七年復建寺二百二十一

貞明六年冬十一月誅僧浩源及其黨先是王承制加

從子泉州刺史延彬領平盧節度使延彬治泉十七年

吏民安之會得白鹿及紫芝僧浩源以為王者之符由

是延彬驕縱與浩源通謀遣使浮海貢于梁求為泉州

節度使事覺浩源等獲罪延彬歸私第

龍德元年夏五月丙戌朔梁改元六月乙酉朔日有食之

龍德二年

缺

月鑄大鐵錢以開元通寶為文仍以五

百文為貫

陶岳貨泉錄曰王審知鑄大鐵錢闊寸餘甚麤重亦以開元通寶為文以五百文為貫俗

謂之銖 廼與銅錢並行 廼音賀

龍德三年夏四月己巳晉王存勗即皇帝位國號大唐改元同光冬十月梁亡是歲王於城西南張爐冶十三

所備銅鑼三萬斤鑄釋迦彌勒諸像唐主賜額曰金身  
報恩之寺王又泥金銀萬餘兩作金銀字四藏經各五  
千四十八卷旃檀為軸玉飾諸末寶髻朱架納龍腦其  
中以滅蠹蟬翁承贊為碑銘仍改永昌縣曰福唐避唐廟諱也

同光二年春二月王遣使入貢于唐夏四月漢主引兵  
入寇屯汀漳境上擊之敗歸五月丙午唐加王檢校太  
師守中書令冬十月進萬壽節并賀皇太后到京金銀  
象牙犀珠香藥金裝寶帶錦文織成菩薩幡等物於唐

同光三年夏五月王寢疾命子威武節度副使延翰權

知軍府冬十二月辛未王薨

錢昱忠懿王廟碑云王薨于十二月十二日任臣按

通鑑目錄十一月庚寅朔則十二月當為庚申朔辛未

日正十二日也又福州志云閩王審知以五月五日卒

是日罷節事相沿至今郡人猶

在位二十九年

王以乾寧四年

丁巳嗣威武節度使至同光三年乙酉薨實二十九年

九國志舊五代史皆以為元年卒者非也運歷圖云同

光三年卒其說為允年六十有四謚曰忠懿葬於福州城北鳳池

山明年尊曰昭武王長興三年改葬蓮花山有後唐所

賜神道碑張文蔚撰文

明宣德五年種屯軍三十人盜發闕王家家門堅甚而竅上隅

入之擴廣如屋前祀王繪象凡列五供悉用金玉珍寶  
器後寢紅棺二王夫人也諸偷以分物不均訟于懷安  
尉尉得其金跳脫王帶亦罷已而訟于臺司副使李素  
魯僉事鄒穆捕治之尉遂自首上跳脫及帶而諸生王  
珉者自言王後當領所盜物且出其家譜擴中物皆備  
載焉於是按譜徵物舉王繪像懸堂中則方面大耳巨  
目弓鼻紫面修髯儼然可畏四圍朽盡獨中心如故內  
一水椀其底寸許如橄欖瑩如金色名曰回回辨之曰此  
玻瓈椀乃歸珉像及擴中物十之一而委庫吏鄭浩為  
王治塚浩言擴中懸棺推之可動蓋已被發墳前石人  
石獸製極工巧云

龍啟初追謚昭武孝皇帝

冊府元龜作武皇帝

廟號太

祖陵曰宣陵宋開寶七年吳越國王以太祖舊第為忠

懿王廟搏太祖像及孟咸等二十六人像以侑享焉

錢昱



忠懿王廟碑文曰若夫非常之人必有非常之事者衆  
所聞矣其或功及于國道濟於民生居土茅沒饗廟食  
者求諸前史罕有其倫是以黃石立祠皆因遺跡沔陽  
致祭實表舊功故聖人之制也法施于民則祀之以勞  
定國則祀之苟無所稱實曰誣祭惟忠懿王非誣祭歟  
公名審知字詳卿姓王氏本瑯琊人秦將翦三十四代  
孫高祖曄唐貞元中為光州定城宰有善政以及民因  
遷家于是郡遂世為固始人矣曾祖友贈光祿卿王父  
蘊玉贈祕書少監父恁累贈至太尉光州刺史十圍巨  
木始從厚地以盤根九曲洪河本自仙源而析派若缺  
降神之氣豈生命世之才公即太尉季子也形質魁秀  
機辨明敏負英雄之氣者必相交友學韜鈴之畧者咸  
詢智謀懸知五典之書暗合萬人之敵遠近服其義勇  
隣里推其孝弟常有善相者詣公之門視其昆弟三人  
曰富壽皆一體也而季當位極人臣自是公竊負之尋  
遇陟岵興悲在原軫念恭事孟仲嚴若父焉乾符末鯨

網全踈鳧毛屢落摩牙吮血中原正苦於傷殘脫未裂  
裳四海盡疲于征戰公蓄慷慨之氣負縱橫之才每或  
撫髀暗驚鸞弧自誓曰大丈夫不能安民濟物豈勞虛  
生乎于是缺俟時待價之缺極溺抹焚之志豪使相

許寢食不忘雖大鵬未飛已具垂天之勢而神馬一躍  
終同追雷之踪屬王緒者憑巢寇之戈矛盜霍丘之土

宇遽言得志遂啓無厭但思于弱吐強吞豈顧其幸灾  
樂禍因乃大掠部屬旁缺復收士民以廣隊伍於

是公之昆季咸與焉及秦宗權竊弄五兵遍侵四境緒  
內乏嬰城之計外無善隣之助遂率衆以作竄欲避地

而偷安玉石俱焚孰能分別豺狼當路無匪縱橫幸豫  
章懦怯之中偶番禺缺害之後凡經藩翰靡或支吾自

潮陽抵漳浦百姓畏其塗炭五馬避其鋒及豈知兵忌  
不戢人慎無恒但蒲騷者終至敗亡妨草竊者焉能長

久動蓄自疑之志轉乖同義之心適當軍衆不宥遂為  
部下所害公素敦誠信累涉艱危既負出羣之才仍諳

武事之術且兵不可以無主將不可以失人衆遂推公而立之公居下惟謙事長必順雖輿情之有屬在公論以不忘乃曰予早事二兄常若嚴訓豈有弟為大將兄居其下者乎遂奏長兄潮以帥其衆仍獲清源為所理之地公由是惡道途之多梗憤貢賦之不通實欲致理一方尅平羣盜外惟征繕中則經營運籌之勝負預知攬繕之澄清可待大順冬缺 廉察遽亡兵馬使范暉奪符印以自尊奉題緘而不遜恣行誅戮因事綏懷人既類于倒懸時合當於逆取公比緣觀釁以因得徵詞遂舉勤王之師以伸弔民之義躬事戈甲身臨矢石一年而圍缺 年而堅壁遂陷范暉扁舟欲遯踈網難逃遂為海人梟首以獻公既殲元惡乃布優恩凡曰脅從悉命宥過用仁信以御下行慈惠以恤民會未浹旬已聞致理百姓愛之如父母三軍畏之如神明又能成缺 讓德無媿遂迎長兄潮遷理是郡復請仲兄却迭居舊邦武肅王表率諸侯蕩平大憝吳越

盡歸于賜履江淮咸奉于專征以其能務忠勤遠求薦  
擢遂奏授本道廉察及泉州符印借命焉尋朝廷以寡  
海挺灾久勞我武東南靖亂獲庇吾民俾提旄鉞之權  
缺襦袴之惠遂升本州為威武軍授潮節度觀察處  
置等使仍以公為節度副使獎勲績也洎元昆俎謝衆  
庶歸依公乃躬受遺言式俟朝命明年春帝恩遠降人  
欲是徙初授公檢校刑部尚書威武軍節度兵馬副大  
使將委什連之任攸居貳職之勞一之日訓習驍雄二  
之日蕪息疲瘵用心數月善政聞天於是進端揆之資  
正元戎之位齋壇高築軍幟大開分州司屏翰之權握  
從缺鼓輦之任未幾顯居使相特錫戶封方陸推轂之  
寄尤藉秉鈞之力當多難未弭聊同指臂之相湏及具  
瞻有歸實賴股肱之利用式資補衮俾重塞惟天復元  
年載正乾綱重光帝座言念七閩之地允符八柱之功  
特頒渥恩用越倫等賜武庫戟十二枝列于私門非恒  
例也自是日鍾百祿歲逢九遷公致君愈勤述職無怠

萬里輸貢川陸不繫其賒一心尊戴風雨不改其志昭  
皇累嘉忠節別錫異數欲酌懋德豈限彝章天祐元年  
夏四月封瑯琊郡王食實封一百戶尋屬龍蛇起陸戎  
馬生郊人心不厭于有唐天命已歸于新室公知微不  
與居閭閻欺梁祖之即位也纔傾作解之恩繼舉疇敷  
之典三公互拜萬戶連封呂尚帝師之尊官榮既極子  
儀中令之貴考限惟同尋復進封閩王加福州大都督  
長史迨莊宗之建王業也神京克復寓縣咸寧欲敦柔  
遠之心先下念功之詔遂增井賦仍改功臣式覃北闕  
之恩用係南門之寄公方推拱極既效安邊惟治民素  
屬于夏勤而得疾遽從于綿篤百齡無效五福先全以  
同光三年十二月十二日薨于正寢饗年六十有四朝  
廷素欽畫節俄覽遺文既增慙老之悲豈慳錫終之典  
冊贈尚書令謚曰忠懿禮也公生當離亂之運出值艱  
難之秋割據一方蓄養百姓得深溝高壘之故有披堅  
執銳之衆瞻水陸之產通南北之商鑄銅于蜀山積粟

于洛口者不足言其富也連臨淄之袂投淝河之筭者  
不足言其庶也至若外涵大度內用小心慎刑既及于  
精詳舉事悉從于簡畧犯則不教令比秋霜之嚴思本  
無私惠如冬日之煖民惟道化吏以法繩此可以稱善  
為政矣言必皆中行罔自欺非正詞不入于聽非公事  
不宣于口居常無聲色之樂平生以禮義自守念十家  
之產者躬行節儉懷五子之歌者心誠荒唐每當爍石  
之威未常操扇纔屬雞鳴之後早見嚴裝以德報恩遠  
踰萬里至誠感物動契百神此可以稱善立身矣興崇  
儒道好尚文藝建學校以訓誨設厨饌以供給于是兵  
革之後庠序皆亾獨振古風鬱更舊俗豈湏齊魯之變  
自成洙泗之鄉此得以稱善教化矣懷尊賢之志弘愛  
客之道四方名士萬里咸來至有蓬瀛謫仙駕鳶舊侶  
或因官而忘返者或假途而借去者盡赴築金之禮皆  
歸簪珥之行其餘草澤菟羅魚車待遇者固不可勝紀  
此得以稱善招納矣尊天事地奉道饗神無非克誠足

以監德然而素欽釋典大廓法門衆善皆臻何德不報  
無漏上智苾芻散布於諸方有作良因伽藍徧滿于樂  
國煉即山之堅固鑄丈六金身鎔麗水之光輝寫五千  
秘藏事非為己願乃庇民此得以稱善求福矣功惟理  
亂志在盡忠安不忘危常為持險之誠小當事大同違  
興國之道以至覆盂數罷高枕三邊雖昆彭致霸之儔  
未能繼踵在佗燮自尊之患固不同風此得以稱善守  
位矣且天惟祐德民本懷仁公饗富貴者三十年傳冊  
封者四五世遺愛銘於人口忠節出于國史臣子之盛  
不亦大乎迨茲陵谷變遷箕裘廢墜寂寞闕以時之薦  
淒涼同之祀之悲士農工商慕舊政以如在漢汙蘋藻  
望遺廟以不存丙午歲我師恤隣闔境向化遇今大元  
帥吳越國王位鍾壓紐運偶負圖當保大定功之初行  
興滅繼絕之義既克寧于民庶思咸悅于鬼神每念閩  
川所歸本由王氏而盛雖子孫異代已同薰燼之香而  
春秋二時宜陳籩豆之禮遂命以公舊第為忠懿王廟

仍叅常祀之數霸主爰修于廢祭藩侯遂立于叢祠行  
馬戟技尚存故物豚肩尊酒蚤薦惟馨塑山庭月角之  
容立借老于飛之像庭廡未同于工績槐檀旒改于光  
陰舊徑難尋已絕羅含之蘭菊重門長閉但多仲蔚之  
蓬蒿既乖興廢之儀殊缺致誠之所大宋開寶七年秋  
九月大元帥吳越國王以時和歲豐家給人足俾得福  
謙之祐遂申咸秩之典凡曰祠廟毀廢競出錢帛修完  
乃命衙直將躬授人工旁撻材植補遺基而皆備易舊  
物以咸新曾出諭時已云告畢奢儉得以中度規制得  
以合禮朱軒粉壁隨晚霽以生光修竹喬松向寒霜而  
吐色抵曹筆則陰兵欲動聞郢工則神馬欠嘶步從恚  
周精靈如在矧以故鄉將吏開幕賓僚當其草昧干戈  
屢經勞苦洎自拊立臺構盡饗崇高乃望都押衙建州  
刺史孟威等二十六人以配享焉斯廟也前瞰清流右  
連淨刹一路自無于塵雜四隣皆屬于幽竒曉霧纔開  
先露列窓之岫疎鐘雖近不驚繞樹之禽公昔也常游



宴于斯今也復祠祭於此始易宅而為廟矧將廢而能  
興苟非陰德不衰今名未朽又豈能身歿之後有如此  
之盛乎豈叨居是藩獲畢斯事仰嘉猷之未遠聽遺愛  
以長新爰屬短裁庶存實錄燕然敘事雖有謝于孟堅  
岷首感人亦未多於叔子乃為銘曰極天曰嶽惟嶽有  
神蓄是英氣生為異人干霄利劍瑞世祥麟爰當季運  
實庇蒸民唐德將衰羣雄欲出陰霧垂地秋氣蔽日豺  
豕猖獗蕉蒲縱逸苟非偉才焉濟王室權為巨盜緒亦  
明彘欲亂中夏首屠光山誰為英傑同罹險艱終則窟  
跡能無厚顏爰率部民同徂萬里緒為衆惡公得衆美  
因戮兇人遂奉君子立功著名自此而始潼浦既寧清  
源復平遂以政事授于難兄孝實至性謙惟直誠靜可  
攝讓亂則經營憤彼閩川拊茲裨將苟虐漸篤政刑俱  
喪銳旅大驅凱歌連唱克定一方式諧衆望始忝貳職  
已播殊勛屏翰之美朝廷備聞迨居重鎮繼事明君盡  
忠竭節松茂蘭薰偃仰大藩寤寐五郡雖曰功庸亦由

時運二柄齊舉七德兼訓令子令孫當年振奮真王重  
望上相清規陵谷雖變馨香不衰俯緣甲第遂立嚴祠  
年穰屢易籩豆或虧霸主推恩良時有待舊廟克新  
遺蹤不改奕爾金碧儼然神彩靈呪芳名千秋如在太

祖雖起盜賊而為人儉約常衣紬袴敗乃取酒庫酢袋  
而補之一日有使南方回者以玻璃瓶為獻太祖視翫  
久之自擲於地謂左右曰好奇尚異廼奢侈之本今沮  
之俾後代無為漸也酷好禮下士唐公卿子弟多依以  
仕宦又拓四門學以教閩中秀士

閩書云王氏義學在留暉門外

招來

海中蠻裔商賈資用以饒時四方竊據有勸其稱帝者

太祖曰我寧為開門節度使不作閉門天子也或曰惠宗借號以御服被於太祖之廟太祖寓夢於惠宗責之不肯服其靈爽有如此

論曰太祖昆弟英姿傑出號稱三龍據有閩疆賓賢禮士衣冠懷之抑亦可謂開國之雄歟廼卒之臣服中原息兵養民大指與吳越畧同豈非度量有過人者遠哉

十國春秋卷九十

欽定四庫全書薈要卷八千六百五十七

史部

十國春秋卷九十一

檢討吳任臣撰

閩二

嗣王世家

嗣王名延翰字子逸太祖長子也太祖既薨延翰自稱威武留後汀州民陳本聚衆三萬圍汀州延翰遣右軍都監柳邕等將兵二萬討之未幾本為邕等所斬

通鑑天成

元年正月

破陳本延翰為人長大美皙如玉而好讀書通經史

同光四年春二月唐莊宗得延翰權知軍府事奏三月

辛酉

薛史作  
辛亥

授延翰威武軍節度使已而莊宗遇弒明

宗改元天成夏五月甲戌加同平章事冬十月延翰乃  
取司馬遷史記閩越王無諸傳示將吏曰閩自古王國  
也吾今不王何待之有於是軍府將吏上書勸進已丑  
自稱大閩國王立宮殿置百官威儀文物皆擬天子制  
羣下稱之曰殿下赦境內追崇考忠懿王曰昭武王改  
延平鎮曰永平而猶稟唐正朔王自是驕淫奢侈跨城

西西湖築室十餘里號曰水晶宮每攜後庭游宴從子  
城複道以出又殘暴蔑弃兄弟襲位裁逾月即出弟延  
鈞為泉州刺史而建州刺史延稟者故太祖養子素與  
王不協時王多取民間女克後庭采擇不已延鈞上書  
極諫有隙而延稟以采擇事復書不遜王益大怒十二  
月延稟遂與延鈞合兵襲福州延稟順流先至福州指  
揮使陳陶帥衆拒之兵敗陶自殺是夜延稟帥壯士百  
餘人趨西門梯城而入執守門者發庫取兵仗及寢門

王驚匿別室辛卯旦延稟執之暴其罪惡且稱王與妃

崔氏共弑先王

五國故事云或言忠懿暴終博陵之鳩故也

告諭吏民斬于

紫宸門外

### 惠宗本紀

惠宗名璘

通鑑作璘今從五代史及閩書

初名延鈞太祖次子也延稟

之寇福州也既弑嗣王而延鈞是日始至

歐史閩世家云明日璘兵

始至今從通鑑

延稟開門納之自以養子推延鈞為威武留後

天成二年春正月戊辰延稟還建州延鈞餞于郊延稟



臨訣謂延鈞曰善繼先志勿煩老兄再下延鈞銜之遜謝甚恭而色變夏五月癸丑唐明宗以延鈞為本道節度使守中書令封瑯琊王冊文曰威武軍節度觀察留後起復雲麾將軍檢校太傅使持節舒州諸軍事守舒州刺史兼御史大夫柱國瑯琊縣開國伯食邑七百戶王延鈞拱北華星圖南巨翼五馬之聲光首出八龍之價譽相高既縮珪符俄從金革在原無惠咸推晉后之賢當璧有徵大叶楚人之望而又心傾皎日義惡浮雲

建溪之誓帶如河閩嶺之礪山齊嶽父風宛在臣節彌  
堅是命高建牙璋洞開玉帳錫以油幢瑞節廣其綠水  
紅蓮寵冠阿衡貴同緹騎尊以師而表敬實其戶而增  
封併示貞榮仍加懿號勉膺殊渥永保令終可依前授  
起復雲麾將軍右金吾衛大將軍外置同正員檢校太  
師守中書令福州大都督府長史克威武軍節度福建  
管内觀察處置兼三司發運等使封瑯琊王冬十一月  
貢犀牛香藥海味等于唐

天成三年秋七月戊辰唐遣吏部郎中裴羽右散騎常侍陸崇進封王為閩王冬十二月度民二萬為僧由是閩地多僧王弓量田土第為三等膏腴上等以給僧道因有寺田之名其次以給土著又其次以給流寓科取之法大率倣唐兩稅而加重焉是時巨蟒見候官烏石山長六七丈色如黃金王命運土塞之鎮以佛殿

天成四年冬十月戊戌進謝恩銀器六千五百兩金器一百兩錦綺羅三千疋于唐并犀牙玳瑁真珠龍腦笏

扇白氍紅氍香藥等十二月奉國節度使知建州王延

稟

冊府元龜又云王延鈞表兄延稟為建州節度使累官中書令

稱疾退居里第請命

于唐以建州授其子繼雄庚子唐詔繼雄為建州刺史

長興元年春二月唐改元長興夏六月癸巳朔日有食

之冬十月王遣使賀唐郊禮畢白金七千兩及蕉牙香

藥金器百兩是時以太祖元從為拱宸控鶴二都

按五國故

事威武軍忠懿王之親兵也以軍額而名之今又為拱宸控鶴都豈即威武軍而改邪

長興二年夏四月王延稟聞王有疾以次子繼昇知建

州留後帥建州刺史繼雄將水軍襲福州癸卯延稟擊  
西門繼雄攻東門王遣從子樓船指揮使仁達拒于南  
臺江仁達伏甲舟中偽降繼雄登舟撫慰仁達乘機斬  
其首梟于西門延稟方縱火攻城見之慟哭仁達出兵  
擊之衆潰左右以斛舁延稟走甲辰追擒之王見延稟  
曰果煩老兄再下延稟慙不能對王囚之別室遣使者  
如建州招撫其黨其黨殺使者奉弟繼昇及弟繼倫奔吳  
越五月斬延稟于市復其姓名曰周彥琛命弟都教練使

延政如建州撫慰吏民六月作寶皇宮以道士陳守元為

宮主先是福州有王霸壇煉丹井壇旁皂炭木久枯一旦

忽生枝葉井中復有白龜浮出會掘地得石銘有王霸

裔孫之文王以謂應已遂於壇側建宮極土木之盛而

巫者徐彥朴盛韜與守元皆用左道以進秋七月唐封

故閩越王無諸為富義王從王請也冬十二月陳守元

稱寶皇之命語王曰王避位受道當為天子六十年丙

子王命長子威武節度副使繼鵬權軍府事遜位受錄道

名玄錫

長興三年春三月甲辰王復位夏六月王酷信神仙之術遣陳守元問寶皇六十年天子後將安歸守元傳寶皇語六十年後為大羅仙主徐彥等亦附會曰北廟崇順王常見寶皇其言與守元同王益自負始謀稱帝上表于唐言楚王殷吳越王鏐皆為尚書令今已薨請授臣為尚書令唐不報遂絕朝貢

閩海叢談云閩王鏐日祈太乙神冊逾年雙鶴

徘徊而下  
遂謀僭號

龍啟元年春正月黃龍見真封宅王更命其宅曰龍躍

宮又造東華宮窮工極麗宮中供匠作者萬人遂詣寶

皇宮受冊備儀衛入府即皇帝位國號大閩大赦

五國故事

云赦書有日行五十里之說閩者哂之

改元龍啟更名鱗

時金陵人餽綾于閩易其名曰

花絹意避其諱亦戲之也

追尊父祖立五廟封高蓋山為西嶽

後吳越得

閩地封支提山為東嶽

以僚屬李敏為左僕射門下侍郎子節度

副使繼鵬為右僕射中書侍郎同平章事以親吏吳勗

為樞密使帝初不欲盡兼尊稱閩國皇翰林學士周維



岳進曰陛下欲稱國皇臣亦止稱翰林學生乃止又即位時帝既被袞冕恍惚不能自知久而方蘇許飯僧三百萬繕經二百藏尋少安

五國故事云後于諸寺寶所許願文疏中明其事

是

月唐冊禮使裴傑程侃適至海門遂以傑為如京使侃固求北還不許帝以國小地僻常謹事四隣由是境內差安夏四月封繼鵬為福王克寶皇宮使五月福州地震帝避位脩道命福王繼鵬權總萬幾初昭武帝府舍皆庳陋至是大作宮殿所費不貲秋七月戊子帝復位

以中軍使薛文傑為國計使文傑以聚斂求媚建州土  
豪吳光入朝文傑利其財將求光罪治之光怨怒帥眾  
萬人奔吳九月帝從子繼圖謀反伏誅是月殺樞密使  
吳勗冬十一月尊魯國太夫人黃氏為皇太后十二月  
以福州為長樂府改閩縣為長樂縣升永貞鎮為永貞  
縣感德場為寧德縣歸化場為德化縣大同場為同安  
縣桃林場為桃林縣又改侯官縣曰閩舊長樂縣曰侯  
官族誅從子親從都指揮使仁達是歲吳光請兵于吳

吳信州刺史蔣延徽不俟朝命引兵會光攻建州帝遣使求救于吳越

龍啓二年春正月上元節御大酺殿召弘文館直學士王侗等觀燈賜宴是月吳蔣延徽敗我兵于浦城遂圍建州帝遣土軍使張彥柔從弟驃騎大將軍延宗將兵萬人救之延宗軍及中塗士卒不進請薛文傑鬻食之帝亟遣使救之不及延徽攻建州垂克徐知誥以延徽與臨川王濛善恐奉濛以圖興復召之歸延徽引兵以

北我兵追擊敗之已而遣使來求成冬十一月幸泉州如皇太后母家詔沿海居民屋瓦悉得黏土是歲有野麋入東門帝曰朕土地雖小不可屬東麋也時閩語以兩浙為東麋故及之云

後福州卒歸吳越人謂有先兆

永和元年春正月丙申朔大赦改元立淑妃陳氏為皇后帝兩娶劉氏皆美而無寵后本昭武帝侍婢金鳳帝嬖之以其族人守恩匡勝為殿使二月設傾筐會于甘露堂

時甘露堂前茶樹二鬱茂婆娑宮人呼為清人樹春時嬪嬙戲摘新芽堂中設傾筐會

夏六

月以宮人李春鶯賜福王繼鵬冬十月帝素得風疾后與幸臣歸守明百工院使李可殷私通國人惡之莫敢言可殷常諧皇城使李倣于帝而后族人匡勝復無禮于福王繼鵬繼鵬又與弟繼韜久相惡因與倣密圖數人已卯帝疾甚繼鵬有喜色倣以帝必不起使壯士持白梃殺可殷于家庚辰帝疾少間后訴之帝力疾視朝詰可殷死狀倣懼而出與繼鵬率皇城衛士鼓譟入宮帝聞變匿九龍帳中亂兵刺之不殊宛轉未絕宮人不

忍其苦為絕之后繼韜及歸守明陳守恩匡勝皆為倣

所殺帝立凡十年

薛氏五代舊史本傳云在位十二年路氏九國志云在位十一年閩王列

傳紀年通譜皆云在位十年蓋惠宗以天成元年自立是歲丙戌至永和元年乙未正當十年而五代舊史九國志俱誤也又惠宗改元永和實在唐清泰二年是歲冬見殺而五代舊史九國志運歷圖皆無永和之號又運歷圖書惠宗見殺在天福元年丙申亦誤也謚曰齊肅明孝皇帝廟號惠宗

歐史作謚惠皇帝廟號太宗今從通鑑

惠宗未殂之先有赤虹入其室飲

以金盆水吸之立盡又芝生于殿門占者以謂不祥未

幾遇弒

康宗本紀

康宗名繼鵬惠宗長子也惠宗既殂明日辛巳繼鵬稱  
皇太后令監國是日即皇帝位更名昶上先皇帝尊諡  
既而自稱知福建節度事遣使奉表于唐大赦境內立  
李春鷺為賢妃以李倣判六軍諸衛事倣有弑君罪心  
常自疑多養死士帝患之與拱宸指揮使林延皓陰圖  
倣延皓詐附倣倣待之甚厚冬十一月壬子帝大享軍  
延皓伏衛士于內殿俟倣入執斬之倣部兵攻應天門

不克焚啓聖門奪倣首奔吳越詔暴倣弑君及殺后與  
繼韜等罪告諭中外以弟建王繼嚴權判六軍諸衛弟  
繼恭為威武軍節度使以六軍判官葉翹為內宣徽使  
叅政事未幾以直言放翹歸永泰

九國志又  
作永春

十二月賜

洞真先生陳守元號天師是歲復改長樂縣曰閩閩興  
縣曰侯官侯官縣曰長樂又改桃林縣為永春縣建明  
威殿

通文元年春正月帝改元立賢妃李氏為皇后尊皇太



后曰太皇太后冬十一月丁酉契丹立石敬瑭為大晉  
皇帝改元天福辛巳唐主自焚玄武樓唐亡國人聞之  
歎曰潞王之罪天下未之聞也將如我君何是歲詔以  
金錢市馬得良馬五賜號曰金鞍使者千里將軍致遠  
侯渥洼郎驥國公

通文二年夏四月作紫微宮以水晶飾之

通鑑云土木  
之建倍于寶

宮遣使詣諸州伺人隱匿夏六月方士言白龍夜見螺  
峰詔建白龍寺命吏部侍郎判三司蔡守蒙納賂除官

籍貨來上是月令醫工陳寃以空名堂牒鬻官詔民有  
隱年者杖背隱口者死逃亡者族果菜雞豚皆重征之  
冬十月命弟威武節度使繼恭上表告嗣位于晉且請  
置邸都下庚子齊主誥遣使來告即位是時國人貢建  
州茶膏製以異味膠以金縷名曰耐重兒凡八枚

通文三年春正月己酉日有食之缺月遣內客省使朱

文進如齊賀即位冬十月乙丑遣弟繼恭進奉天和節  
并賀重午節白金五十兩于晉又進金器六事金花細

縷銀器三千兩真珠二十斤犀三十株銀裝交牀五十  
副牙二十株又進大茶八十斤香藥一萬斤朱竒銀纏  
槍二百條通箭竒三萬莖又進五色桐皮扇子海蛤麋  
鞞細蕉藥木瓜等物十一月晉以左散騎常侍盧損克  
冊禮使封帝為閩國王賜帝赭袍戊申晉封威武節度  
使繼恭為臨海郡王帝聞之遣進奏官林恩白執政以  
既襲帝號辭冊命及使者是月諫議大夫黃諷與妻子  
辭訣入諫帝欲杖之諷不受杖黜為民是時諸州各計

口算錢謂之身丁錢民年十六至六十免放後漳泉二

州折米五斗

宋時取官斗較量閩時五斗得七斗三升

凡江湖陂塘皆有賦

文獻通考云先時淮南江浙荆湖廣南福建當借偽之時應江湖及池潭陂塘聚魚之處皆納官錢或令人戶占實輸課或官遣史主持宋太宗聞其弊詔除之又有的插圍水碓社酒蓮藕鵝鴨螺蚌柴薪地鋪枯牛骨溉田水利等名皆偽國舊制累詔廢者

通文四年春二月盧損至長樂府帝辭疾不見令弟繼恭主之又遣中書舍人劉乙勞損于館損它日頗誚乙帝怒損還無所答繼恭遣禮部員外郎鄭元弼隨損入

貢于晉三月命六宮設三昧宴

清異錄閩袒春餘宴後苑飛紅滿空袒曰彌陀

經云雨天曼陀羅華此景近似今日觀化工之雨天三昧宜召六宮設三昧宴

以道士譚紫霄

為正一先生是月有虹見于宮中夏四月巫者林興傳

神言宗室將為亂之兆帝乃命興率壯士殺叔父延武

延望并其五子作三清殿于內庭

五代史云起三清臺三層

鑄寶皇

大帝無始天尊太上老君像從道士陳守元言也凡用

黃金數千斤日焚龍腦薰陸諸香無算作樂臺下晝夜

不輟云如此可求大還丹政無大小皆興傳寶皇命決

之六月罷建王繼嚴判六軍諸衛更其名曰繼裕以季

弟繼鎔

五代史作繼鎔今從通鑑

判六軍去諸衛字未幾林興詐覺

流泉州望氣者言宮中有災乙未徙長春宮

歐史云從南宮避災

帝為長夜之飲強羣臣酒醉則令左右伺其過失從弟

繼隆以醉失禮輒斬之又屢用猜怒誅宗室左僕射平

章事延義帝叔也陽為狂愚避禍賜以道士服置武夸

山中尋召還幽於私第秋七月乙巳北宮火焚宮殿殆

盡初帝募勇士二千人為腹心號宸衛都賜予給賞獨

厚于拱宸控鶴二都或言二都怨望將為亂帝欲分隸

漳泉二州二都益怨望

五國故事云昶立而忠懿王之勛舊悉屏棄之衛兵先號威武

軍者亦弃不用因召市井屠輩別立宸衛軍名衣以羅襦銀帶飲食之器悉皆中金所給俸賜復數倍于威武

威武頗怨

拱宸軍使朱文進控鶴軍使連重遇又數為帝所

侮慢內懷不平常以微言激其軍至是帝命重遇帥營

兵除餘燼且求賊不得疑重遇知縱火之謀欲誅之內

學士陳邲洩其言于重遇閏月辛巳夜重遇入直率二

都兵焚長春宮作亂使人迎延羲于瓦礫中呼萬歲

五國

故事又云匣劍取延義于私第而立之

復召外營兵共攻帝時獨宸衛都

拒戰帝與后等如宸衛都比明亂兵焚宸衛都

敗績餘衆千餘人奉帝及后等出北關

歐史云昶挾愛  
姬子弟黃門衛

士斬關而  
出宿于野

至梧桐嶺衆稍稍逃散延義命從子繼業追

及于村舍帝素善射引弓殺數人頃之追兵大集帝知  
不免投弓于地繼業與俱還至陔莊飲以酒醉而縊之  
后及諸子繼恭皆死陳守元易服將逃亦死于兵宸衛  
餘衆奔吳越重遇執蔡守蒙數以賣官之罪斬之永隆



初謚帝曰聖神英睿文明廣武應道大弘孝皇帝廟號  
康宗帝性狂躁即位之初常欲練兵襲吳乃于殿庭設  
大沙鑼於射棚示衆曰一發中之當平定江南射棚去  
階際裁數十武沙鑼復甚寬廣果一發命中左右同聲  
賀曰此一箭定天下矣帝大悅遂發兵至境上吳人聞  
之無所詬責第曰愍其有大志耳益實戲之也



十國春秋卷九十一



總校官庶吉士臣張能照

校對官檢討臣王鍾健

謄錄貢生臣蘇曰柄

欽定四庫全書薈要

史部  
十國春秋卷九十五

二至

詳校官員外郎臣楊世綸



欽定四庫全書薈要卷八千六百五十八

史部

十國春秋卷九十二

檢討吳任臣撰

閩三

景宗本紀

  
名曦初名延羲太祖第二十八子也

五代史曰王審知少子

先是被幽私第時有白烟一穗忽起庭石之上逾時方

散延羲懼密召天師陳守元禳之守元曰未必不為嘉

兆也

陳鳴鶴閩中考云延羲故宅即今慶城寺天福七年捨為永隆金身羅漢院

未幾連重

遇將兵來迎延義謂景宗使收之急逃廁中久之乃出  
及康宗遇害延義自稱威武節度使閩國王更今名時  
通文四年閏七月壬午也是月改通文四年為永隆元

年

案十國紀年薛氏舊五代史周世宗實錄唐餘錄南  
唐烈祖實錄吳越備史運歷圖紀年通譜皆云通文

四年延義自稱威武節度使改元永隆惟林仁志閩中  
啟運圖云通文四年己亥閏七月延義立明年庚子改  
元永隆  
今不從赦繫囚頒賚中外託以宸衛弒先主赴鄰國且

移書以改元告曰六軍踴躍於門前羣臣歡呼於日下  
又遣商人間道奉表稱藩於晉然在國置百官皆如天

子之制以太子太傅致仕李真為司空兼中書侍郎同  
平章事遣使誅林興於泉州冬十月使者鄭元弼至大  
梁致康宗書求用敵國禮晉主大怒詔却貢物及福建  
諸綱運并令元弼與進奏官林恩部送速歸已而用兵  
部員外郎李知損言知損言王昶借慢宜  
質留使者籍沒其貨下元弼恩於  
獄十二月王作新宮徙居之

永隆二年春正月晉主詔釋鄭元弼等初通文中常越  
海通使于契丹至是契丹主聞晉囚使臣降詔曰閩國

禮物並付喬榮放其使人令還本國故晉有是命是月

王與弟建州刺史延政有隙

通鑑云閩王曦既立驕淫苛虐猜忌宗族多尋舊怨

弟延政數以書諫之曦怒復書罵之後鄴翹杜漢崇二人爭拊延政陰事告于曦由是兄弟積相猜恨

遣

親吏鄴翹監建州軍教練使杜漢崇監南鎮軍

閩置南鎮軍于

福建二州界扼往來之要

一日翹與延政議事不協訶延政曰公反

邪延政欲斬翹翹奔南鎮延政發兵攻之翹與漢崇奔

福州西鄙戍兵皆潰二月遣統軍使潘師達吳行真將

兵四萬擊延政師達軍建州城西行真軍建州城南皆



阻水為營焚城外廬舍延政乞師于吳越壬戌吳越命  
寧國節度使仰仁詮內都監薛萬忠率兵四萬援建州  
三月戊辰師遼分兵三千遣都軍使蔡弘裔將之出戰  
延政遣其將林漢徹敗我兵于茶山斬首千餘級丁丑  
延政募敢死士千餘人夜涉水潛入師遼壘因風縱火  
城上鼓譟應之戰棹都頭陳誨殺師遼衆遂大潰戊寅  
復引兵攻行真寨建人未涉水行真及將士先遁走死  
者萬人延政乘勝取永平順昌二城自是建州兵始盛

丙戌遣使聘于唐夏四月吳越兵至建州延政以我兵已解奉牛酒請班師仰仁誼等不從營于城之西北延政懼復乞師于王王以從子泉州刺史繼業為行營都統將兵二萬救之且移書詰吳越出師之故別遣輕兵絕其糧道會久雨吳越食盡五月延政大破吳越兵于城下俘斬萬計癸未仁誼等宵遁是月唐主遣客省使尚全恭諭王與延政連和六月延政遣牙將及女奴持誓書香爐來福州與王盟於宣陵已而猜恨如故秋七

月城福州西郭以備建人乙丑晉賜鄭元弼等帛遣歸  
是月度僧萬一千人民避重賦者多與焉冬十月王因

商人奉表于晉以自理

通鑑註云言己未常稱大號實王昶為之也

十一月

甲申晉以王為威武軍節度使兼中書令封閩國王十

二月遣客省使葛裕如唐賀仁壽節建文德殿

閩中考云雷繼

鵬延曦時又有文明殿九龍殿長春宮東清門金德門諸名

永隆三年春正月延政城建州周二十里請以建州為  
威武軍自領節度使王以威武本福州軍名不許乃以

建州為鎮安軍以延政為節度使封富沙王延政復改鎮安曰鎮武而稱之夏四月王以子亞澄同平章事判六軍諸衛封瑯邪王庚辰遣將軍許仁欽以兵三千如汀州執弟延喜以歸時延喜為汀州刺史疑與延政通謀也六月名從子泉州刺史繼業還賜死福州郊外并殺其子于泉州王聞延政以書招繼業也明日族誅司徒兼門下侍郎同平章事楊沂豐宗族勳舊相繼被戮自是人不自保諫議大夫黃峻昇櫬極諫貶漳州司戶

加國計使陳匡範禮部侍郎匡範增商算之法請日進  
萬金因有是命已而歲入不登匡範貸省務錢足之未  
幾匡範卒事覺命剖棺斷尸弃之水中以黃紹頗代為  
國計使紹頗請令人輸錢除官從之秋七月王自稱大  
閩皇領威武軍節度使與富沙王延政治兵相攻福建  
之間暴骨如莽鎮武節度判官潘承祐請延政息兵修  
好延政不聽是月以從子泉州刺史繼嚴得衆心罷歸  
醜殺之九月以瑯邪王亞澄為威武軍節度使改號長

樂王冬十月壬子使者至汴貢晉白金四千兩象牙二十株葛五十疋乾姜蕉乳香沉香玳瑁諸物謝恩加官又進重午節白金一千兩細葛二十疋海葛鞞扇等物癸丑獻晉度支商稅葛八千八百八十疋是月王即皇帝位同平章事李敏卒延政自稱兵馬元帥

永隆四年春正月立司空李真女李氏為皇后閏月遣尚食使林弘嗣聘于唐三月進封長樂王亞澄為閩王夏六月乙丑晉主殂丁卯富沙王延政寇汀州帝發漳

泉兵五千救之又遣將林守亮入尤溪大缺宮使黃敬

忠屯尤口令乘虛襲建州國計使黃紹頗將步卒八千

為二軍聲援延政攻汀州凡四十二戰不克秋七月解

去其將包洪實陳望將水軍以禦我師丁酉兵遇于尤

口黃敬忠將戰占者言時刻未利按兵不動洪實等引

兵登岸水陸夾攻敬忠為建兵所殺俘斬二千級林守

亮黃紹頗皆遁歸八月遣使以手詔及金器九百事錢

萬緡將吏敕告六百四十通求和于富沙王延政延政

不受丙寅宴羣臣於九龍殿以減酒殺從子繼柔并贊

酒者一人鑄永隆通寶大鐵錢一當鉛錢百

五代史曰  
王延義鑄

大鐵錢以一當十洪氏泉志有永隆錢又云此錢徑寸四分重十銖二參文曰永隆通寶字文平漫製作不精以銅為之是月以同平章事余廷英為泉州刺史廷英嘗矯

詔掠取良家子帝下御史劾之廷英詣帝自歸獻買宴

錢萬緡

一作  
千萬

明日又獻皇后錢鉅萬乃得不劾未幾復

名為相冬十二月以鹽鐵使右僕射李仁遇為左僕射

兼中書侍郎翰林學士吏部侍郎李光準為中書侍郎



兼戶部尚書並同平章事仁遇帝甥也以姿容得幸光  
準常侍夜宴以醉忤旨命執送都市斬之吏不敢輒殺  
頌繫獄中明旦視朝名復其位

按五國故事又云延義一夕醉甚命以宰相李

準弃市而準方大醉卧于市中唯呼其婢春鶯已行刑者不敢殺因致之非所明日延義視朝使名準左右因夜來之命對之延義都不能知是夕又宴侍臣收翰林學士周維岳下

獄吏拂榻待之曰相公昨夜宿此尚書勿憂已而醉解  
釋之它日帝又曲宴羣臣皆醉去獨維岳在坐帝曰維  
岳身甚小何飲酒之多左右曰酒有別腸不必長大帝

欣然命梓維岳下殿剖視酒腸旁有解之者曰殺維岳  
無人侍陛下劇飲乃舍之帝好為牛飲荒淫無度常鍛  
銀葉為杯賜羣下飲銀葉既柔弱因目之為冬瓜片又  
名曰醉如泥酒既盈即不復置他所惟飲盡始得釋手  
羣臣醉不勝以酒過被殺者無算冬十二月遣徐績如  
唐賀仁壽節是歲貢晉鍤銀二千兩花鼓六面象牙十  
株紅蕉二百疋蟬紗二百疋餅香沉香煎香六百斤胡  
椒六百斤肉豆蔻三百斤又進白金四千兩海蛤十斤

貢蕉二十疋充端午天和節

永隆五年春正月富沙王延政稱帝改元國號殷三月  
帝立尚氏為賢妃己卯唐主殂遣使如金陵弔祭夏四  
月戊申朔日有食之殷將陳望等寇福州入于西郭既  
而敗去六月發故相王俠冢斬其尸校書郎陳光逸直  
諫鞭數百懸頸于樹以死是月帝嫁女缺公主朝士

有不賀者十二人笞之御史中丞劉贇坐不糾舉將加  
笞諫議大夫鄭元弼切諫乃得釋贇竟以憂卒是歲侯

官縣薛老峯一夕風雨如數千人誼噪狀旦則三字倒

立

先是咸通中薛逢為候官令創亭烏石山人書其峯曰薛老峯

永隆六年春正月唐遺書責我兄弟尋戈帝引周公誅

管蔡唐太宗誅建成元吉以復三月拱宸都指揮使朱

文進閣門使連重遇既獲罪康宗時懼國人見討相與

結昏自固帝果於誅殺常遊西園醉殺控鶴指揮使魏

從朗從朗朱連黨也又常酒酣詠白居易詩以諷文進

重遇

詩云惟有人心相對問咫尺之情不能料

因舉酒屬二人二人起流涕

再拜曰臣子事君父安有它志帝不應二人大懼會皇

后害尚賢妃之寵欲圖帝而立其子亞澄乃使人告文

進重遇曰主上殊不平于二公奈何乙酉后父真有疾

帝如真第問疾文進重遇使拱宸馬步使錢達拉于馬

上而弑之五代史又云六月三日曦出遊醉復殺王氏

歸重遇遣壯士拉于馬上而殺之

宗族五十餘人鄭元弼抗辭不屈將奔建州亦被殺已

而葬帝于福州之缺謚曰睿文廣武明昭元德隆道

大孝皇帝廟號景宗先是太祖克福州日桃林村中一

夕地震有聲如鳴鼓數百面比旦視之禾稻皆倒插土  
下厥後奄有全閩之地至是桃林復有鼓聲禾稻亦倒  
懸土下不數月遇禍而王氏隨滅興亡之兆如一轍焉  
識者異之

天德帝本紀

天德帝名延政

冊府元龜作延正

景宗弟也

歐史闕世家云審知子

景宗

立拜延政建州節度使封富沙王景宗肆為醜虐延政  
數貽書切諫景宗怒舉兵相攻兄弟遂成讐敵久之延

政以建州開國自立為帝國號曰大殷改永隆五年為  
天德元年升將樂縣為鏞州以永平鎮為龍津縣尋置  
鏞州

延平鎮嗣王延翰已改為永平通鑑云以延平鎮為鏞州似小誤

立皇后張氏以

節度判官潘承祐為吏部尚書節度巡官楊思恭為兵  
部尚書未幾以承祐同平章事思恭遷僕射錄軍國事  
然牙叅及接鄰國猶如藩鎮禮夏五月潘承祐上書陳  
十事命削官爵勒歸私第是歲加封故靈昭王延稟為  
武平威肅王

天德二年春正月鑄天德通寶大鐵錢一當百

董道錢譜曰建

州王氏錢面文天德重寶背文穿上有殷字洪氏泉志曰按王延政以建州建國稱殷故幕文為殷字通寶重

寶之異亦當時鑄此二品耳

是月唐遣使以書來問兄弟何故相尤

隨荅書斥唐奪楊氏國唐主怒遂絕和好三月朱文進連重遇弒其君文進遂自立為閩王帝遣統軍使吳成義討之不克秋八月癸丑晉以朱文進為威武軍節度使知閩國事冬十月帝遣陳敬侔將兵三千屯尤溪及古田盧進將兵二千屯長溪十一月泉州指揮使留從



效與王忠順董思安執泉州刺史黃紹頗斬之請皇從  
子繼勳主軍府事遣副兵馬使陳洪進來獻捷且函紹  
頗首至洪進過尤溪福州戍兵數千人遮道洪進紹之  
曰義師已誅朱福州吾倍道逆嗣君子建州爾輩尚守  
此何為衆遂潰大將數人從洪進詣建州帝以繼勳為  
侍中領泉州刺史從效及忠順思安洪進皆署都指揮  
使漳州將程謨殺刺史程文緯奉皇從子繼成權州事  
汀州刺史許文楨賫表來降十二月癸丑晉加朱文進

同平章事封閩國王文進聞黃紹頗死大懼遣統軍使

林守諒內客省使李廷錡攻泉州鉦鼓相聞數百里

一作一

五百里  
疑誤

帝遣大將軍杜進將兵救泉州留從效開門與

福州兵戰大破之斬守諒執廷錡帝復遣統軍使吳成

義帥戰艦千艘攻福州文進乞援于吳越遣子弟以為

質是月唐以洪州營屯都虞候邊鎬為行營招討諸軍

都虞候將兵同樞密副使查文徽翰林待詔臧循入寇

文徽自建陽進屯蓋竹聞漳泉汀三州已降于我而鏞

州將張漢卿復將兵八千人將至文徽退保建陽循屯  
兵邵武邵武民導我兵襲破循軍執循歸建州斬之吳  
成義聞唐兵至詐使人告福州吏民曰唐助我討賊臣  
大兵至矣福人大懼乙未朱文進遣同平章事李光準  
來獻國寶丁酉南廊承旨林仁翰刺殺連重遇于第福  
人復殺文進迎成義入城于是函二首送建州

天德三年春正月臣民共迎帝歸長樂府帝以方有唐  
兵未暇徙都詔以福州為南都

八閩通誌及閩書皆作東都

以從子

門下侍郎同平章事繼昌督南都內外諸軍事鎮福州以飛捷指揮使黃仁諷為鎮遏使將兵衛之復國號曰閩發南都侍衛及兩軍甲士萬五千人

福州侍衛之外有左右軍置軍

使以領之一曰兩軍謂拱宸控鶴兩都

詣建州以拒唐二月唐查文徽請

益兵唐主以天威都虞候何敬洙為建州行營招討馬步都指揮使將軍祖全恩為應援使姚鳳為都監會兵數千入寇自崇安進屯赤嶺帝遣僕射楊思恭統軍使陳望將兵萬人拒之列柵水南旬餘不戰唐人不敢戰

思恭以帝命督望戰趣之再三望不得已涉水與唐戰  
全恩等以大兵當其前別使奇兵出我師後我師敗績  
望戰死思恭僅以身免帝大懼嬰城自守名董思安王  
忠順將兵五千來建州分守要害三月著作郎陳繼珣  
指揮使李仁達合謀潛入南都說鎮遏使黃仁諷入府  
執皇從子繼昌及吳成義殺之

先是繼珣叛奔福州為景宗畫策取建州至是

不自安故仁達要與同謀○閩王列傳九國志閩中寶錄皆云四月殺繼昌今從十國紀年

巴亥仁

達立僧卓巖明為天子稱藩于晉帝聞之族仁諷家命

統軍使張漢真將水軍五千會漳泉兵討嚴明夏四月  
漢真至南都攻東關仁諷聞家誅滅開門力戰大破我  
兵漢真被執死之

通鑑云執漢真入城斬之

仁達既立嚴明自判六

軍諸衛事仁諷屯西門繼珣屯北門仁諷從容謂繼珣  
曰人之所以為人者以有忠信仁義也吾頃常有功于  
富沙中間叛之非忠也人以從子託我而與人殺之非  
信也屬者與建兵戰所殺皆鄉曲故人非仁也棄妻子  
使人魚肉之非義也此身十沈九浮死有餘媿因拊膺

慟哭繼珣曰大丈夫狗功名何顧妻子宜置此事勿以  
取禍仁達聞之使人告仁諷繼珣謀反皆殺之由是兵  
權盡歸仁達五月丁巳仁達請嚴明大閱戰士陰令人  
刺殺之陽狼狽驚走已乃自稱威武留後用保大年號  
奉表稱藩于唐亦遣使入貢于晉是月唐兵圍建州屢  
破泉州兵許文稹敗唐兵于汀州執其將時厚卿秋七  
月或告福州援兵有叛志是歲正月赴建州拒唐之兵帝收其鎧仗  
遣還伏兵於隘盡殺之死者八千餘人脯其肉以歸為

食唐將邊鎬拔鐔州帝遣使稱臣於吳越請為附庸以乞師八月唐兵圍建州久建人離心有謂董思安宜為去就計思安誓不負王氏衆感其言無叛者丁亥唐先

鋒橋道使王建封先登建州城陷

春明退朝錄云李璟發兵攻建州王延政

城有白虹貫城未幾城陷舍宇焚蕪殆盡

帝出降王忠順戰死思安整衆奔

泉州初唐兵來建人苦王氏之亂與楊思恭之重斂爭伐木開道迎之及城破縱兵大掠焚宮室廬舍幾盡是夕寒雨凍死者枕藉于道建人失望九月許文稹以汀



州皇從子繼勳以泉州繼成以漳州皆降唐唐置永安軍于建州冬十月盡遷王氏之族于金陵唐以帝為羽林大將軍斬楊思恭以謝建人保大五年改帝安缺軍

節度使降封鄱陽王鎮饒州九年徙封光山王

五國故事云封

自在王尋改光山王疑非是

未幾薨贈福王謚曰恭懿閩傳七主凡

五十三年

按歐史以閩歷國五十五年運歷圖則云五十六年五代舊史閩王列傳紀年通譜閩中

實錄皆云六十年五代史註又云六十年諸說紛紛不一惟是閩亡之歲南唐書江南錄通鑑則云開運二年為唐保大三年歐史則云開運三年為唐保大四年此所未詳云

論曰太祖開國時相傳有僧陳騎馬來騎馬去之讖說者遂以司空拜泉州刺史為丙午歲而五代史諸書載唐兵破建州為保大之四年與讖語頗合至司馬公所紀司空為福建觀察使始于景福二年而天德帝歸金陵則在開運二年與彼所稱傳國六十一年及五十五年何至不侔也今畧依涑水編年以次其大概云

十國春秋卷九十二

欽定四庫全書藝文類聚卷八千六百五十九

史部

十國春秋卷九十三

檢討吳任臣撰

閩四

列傳

留從效

陳洪進

子文顯文顯文顯文項  
陳應功陳齊鵬陳仁璧劉

昌言徐熙  
徐昌嗣附

留從效

五代史五國故事唐餘紀傳  
南唐書皆作從效今從通鑑

泉州桃林人後改

永春縣遂為永春人父璋蚤死幼孤事母兄以孝弟聞

畧知書好兵法朱文進之僭立也從效時為泉州散指  
揮使與其黨王忠順董思安及所親蘇光誨相與圖議  
興復一日謂同列曰朱文進屠滅王氏遣腹心分據諸  
州吾屬世受王氏恩而交臂事賊有如富沙王克復福  
州吾屬死有餘媿衆以為然頃之從效引軍中所善壯  
士夜飲于家紹之曰富沙王已平福州密旨令吾屬討  
偽刺史黃紹頗諸君狀貌皆非久處貧賤者從吾言富  
貴可圖不然禍且立至于是募敢勇壯士得副兵馬使

陳紹進等五十二人夜持白梃踰城而入擒紹頗斬焉  
泉州有繼勳者故武肅王諸孫也即持印詣之請主軍  
府從效等三人自署平賊統軍使洪進等皆為指揮使  
是時唐元宗遣將討王氏之亂圍福州會吳越發兵援  
文進于是唐將但克汀建而歸福州遂為吳越所有從  
效乘機竊其地乃以兵劫繼勳送江南自領漳泉二州  
留後唐元宗即以泉州為清源軍授從效節度使漳泉  
等州觀察使閩中五州之分自此始也未幾累授同平

章事兼侍中中書令封鄂國公進封晉江王從效在郡  
專以勤儉養民為務常衣布素置公服于中門出視事  
則服之入則復衣敝布自言我素貧賤不可忘本也民  
甚愛之天德帝有二女在郡從效事之如故資給甚厚  
每歲取進士明經謂之秋堂及唐人淮甸失守從效因  
吳越奉表于周世宗世宗以割地故不納宋建隆初唐  
元宗遷都南昌從效大懼以為見討乃遣子紹基一作  
錡又

錡作  
貢唐又遣使假道吳越入貢于宋宋太祖特命使厚

賜以撫之使未至而從效發疽薨

五國故事云建隆壬戌歲從效缺自五月

發疽至于七月不愈中外音問不通羣校頗有異議一日先鋒指揮使王亡名請入省疾而從效危篤乃以缺

貽之從效死衆立張漢思為帥以陳洪進副之使王亡名出守漳州不聽又遣戍莆田亦不聽因使衆擊之垂

困送同安縣羈縻之未幾而薨

年五十有七唐贈太尉靈州大都督從

效無嗣以兄從願之子紹基紹鎡為子從效寢疾時從願守漳州紹基入金陵紹鎡尚幼及其歿也州人立紹鎡未幾統軍陳洪進執紹鎡歸于唐其將名吳越為叛于是推立副使張漢思事具洪進傳中從效再從弟仁

諛宋淳化中為泗州長史雖藜藿不充未嘗妄干人太  
宗聞之名赴闕特遷揚州觀察支使

陳洪進字濟川先世本臨淮人已而遷泉州居仙遊縣  
之楓亭遂為仙遊人幼有俠節頗讀書習兵家言長以  
材勇隸兵籍從攻汀州先登補副兵馬使從留從效殺  
黃紹頗以首送建州天德帝命為本州馬步軍都校  
已又為統軍使與副使張漢思同領兵柄累立戰功從  
效既歿少子紹鎡典留務月餘洪進推漢思為留後自



為副使

一作四門  
指揮使

時宋建隆三年也漢思年老不能治

事軍務皆決于洪進漢思諸子並為牙將內懷不平潛有去洪進意明年夏四月漢思大享將吏伏甲于內將害洪進酒數行地忽大震棟宇將傾坐立者不自持同謀者以告洪進洪進亟去衆驚悸而散漢思事不成慮洪進先發常嚴兵為備洪進子文顯文顥皆為指揮使勒所部欲擊漢思洪進不許一日洪進袖銀鐺從二子常服安步入府中直兵數百人皆叱去之漢思方處內

齋洪進即扃其門使人叩門謂漢思曰郡中軍吏請洪進知留務衆情不可違當以印見授漢思惶懼不知所為即自門間出印與之洪進即日遷漢思別墅遣使請命于江南江南以洪進為清源軍節度泉南等州觀察使時宋平澤潞下揚州取荆湖洪進大懼遣牙將魏仁洛間道奉表納欵貢白金千兩乳香茶葉皆萬計太祖遣使撫諭且以其事詔江南江南後主聽命于是乾德二年宋改清源軍為平海軍授洪進節度泉漳等州觀

察使檢校太傅賜號推誠順化功臣鑄印賜之以文顯  
為平海軍節度副使文顯為漳州刺史是年夏洪進丁  
家艱旋起復理軍府事洪進以每歲修貢朝廷多厚歛  
于民民貲百萬以上者令為試協律奉禮郎蠲其丁役  
及江南平吳越忠懿王朝宋洪進不自安遣子入貢太  
祖因下詔名之遂入朝道聞太祖晏駕歸鎮發哀太宗  
即位加檢校太師太平興國三年四月朝京師禮遇優  
渥又增食邑加其子文顯為團練使文顯文頊並為刺

史洪進因上表言臣遠辭海嶠入覲天墀獲親咫尺之  
顏疊被駢蕃之澤六飛遊幸每奉屬車之塵三殿宴嬉  
屢挹大樽之味旬浹之內雨露沄臻至于童男亦荷殊  
獎恩榮若此報効何階願以所管漳泉兩郡獻于有司  
太宗嘉納之凡為縣十四戶十五萬一千九百七十八  
兵萬八千七百二十七遂授洪進武寧軍節度使同平  
章事留汴京奉請諸子皆授以近郡優賜之後封杞國  
公進封岐國公洪進年老富貴已極上言求致仕優詔

免朝請居無何病卒年七十二贈中書令謚曰忠順洪  
進在泉州日方晝有蒼鶴翔內齋引吭向洪進洪進視  
之有魚鯁其喉即以手採取之魚猶活鶴馴擾齋中數  
日而後去人多異焉洪進弟銛為泉州都指揮使開寶  
中官漳州刺史

文顯字仲達歷泉州馬步軍都軍使右軍押衙宋命為  
平海節度副使累加檢校太保及洪進朝宋授通州團  
練使知泉州未幾代還又為青齊廬壽西京水南北陝

州四州都巡檢使文顯與諸弟不睦咸平初為言者所劾詔戒諭之以疾改通許鎮都監卒

文顯初為泉州衙內都指揮使俄權知漳州宋命為漳州刺史數年求還泉州署行軍司馬洪進朝宋授房州刺史改康州端拱初出知同州咸平初知耀州徙徐州坐用刑失入貶官已而以洪進納土功復遷康州刺史祥符東封命知濮州馳道所出供億頗勤至詔褒之改衡州代還以老疾請致仕卒

文顛始為泉州衙內都指揮使知漳州宋初擢滁州刺史俄名歸京師奉朝請景德中改光州以久次領和州團練使歷知數州軍所至無能稱

文頊頗知書工畫本文顯子也洪進在泉州日有相者言一門受祿當至萬石時洪進與三子皆已領州郡而文頊始生洪進欲應其言乃取為已子錫名與諸子齒文頊歷衙內都監使宋命領順州刺史歸朝為通州刺史改舒州卒

陳應功莆田人弱冠忠義自許宋太平興國初陳洪進尚據漳泉應功詣洪進條陳古今天下分合之由備述天命人心歸屬之意洪進傾耳聽之遂納土于宋其年游洋鎮竊發應功至軍前請為先鋒竟為賊所殺

陳齊鵲莆田人事陳洪進為指揮使常勸洪進輸誠納土兩全忠孝後洪進卒歸于宋齊鵲與有力焉

陳仁璧莆田人也仕陳洪進為泉州別駕洪進既納土豪猾有負險為亂者仁璧徒步謁轉運使楊克彛畫策



平之宋改仁璧為陽翟王簿

劉昌言字禹謨泉州南安人也七歲能屬文辭藻靡麗  
陳洪進辟功曹叅軍洪進遣子文顯入貢汴京令昌言  
偕行宋太祖親勞之太宗時洪進歸朝名謂曰覽洪進  
表委命盡心非卿潤色邪洪進改鎮徐州又辟昌言推  
官後舉宋進士判審官院未百日為樞密副使累官工

部侍郎咸平二年卒贈尚書有文集三十卷

太宗時有  
言昌言闕

語恐奏對難會太宗怒曰我自會得其眷注如此昌言  
嘗作下第詩云惟有夜來蝴蝶夢翩翩飛入刺桐花人

皆稱之

徐熙字大雅南安人父居讓從陳洪進為清溪令洪進  
奇熙文以弟女妻之署以府職辟不就著楚雁賦見志  
尋辟掌牋奏洪進歸宋熙應進士舉官終越州通判熙  
好學善談精筆札後以狷躁罷職憤恚而卒常換三酌  
酸文世稱精絕畧曰渭川凝碧早拋釣月之流高嶺排  
青不逐眠雲之客又曰年年落第春風徒泣于遷鶯處  
處羈遊夜雨空悲于斷雁

徐昌嗣莆田人以明經除秘書郎陳洪進辟掌書記首  
勸納土洪進欲害之昌嗣潛走汴京江南平洪進始悟  
其忠乃命其弟昌圖與陳仁愿奉表歸宋

論曰朱文進誅屠王氏少長無遺已晏然據神器矣而  
從效以區區牙校削平賊黨奄有漳泉比至洪進納土  
再傳兩姓雖曰人謀亦運會使然哉迄今傳永春從效  
故居其地名留變者抑其流風猶有未泯者與

十國春秋卷九十三

欽定四庫全書薈要卷八千六百六十

史部

十國春秋卷九十四

檢討吳任臣撰

閩五

列傳

秦國太夫人董氏

太祖后任氏

龍啓太后黃氏

嗣王夫人崔氏

惠宗后劉氏

繼后金氏

后陳氏

康宗元妃李氏

后李氏

景宗后李氏

賢妃尚氏

天德皇后張氏

太夫人董氏太祖之母也王緒入閩令軍中無得以老弱自隨違者斬惟太祖昆弟扶母從軍緒責之曰軍皆有法未有無法之軍汝違吾令而不誅是無法也太祖等曰人皆有母未有無母之人將軍奈何使人棄其母緒怒命斬太夫人太祖等曰我等事母如事將軍既殺

其母安用其子請先母死將士皆為之請乃舍之後以太祖貴累封秦國太夫人天祐元年太祖建報恩定光多寶塔以資司空暨太夫人冥福龍啓時惠宗立五廟復追崇太夫人上尊謚云

太祖后任氏不知其世系太祖時封缺國夫人居數年

薨葬福州之鳳池山後太祖亦合葬焉龍啓初追崇曰

缺

皇后

太后黃氏泉州人故威武節度推官滔之族女父訥裕

官工部侍郎太祖聘為側室惠宗其所出也唐明宗封魯國夫人惠宗貢白金五千銖以謝龍啓初尊為皇太

后二年

十一月癸丑

惠宗謁黃氏家廟田鋪緹錦木被綵繒

因名里曰錦里驛曰錦田居曰錦第溪曰錦溪墓院曰

錦溪院

是役也惠宗命錫書于靈秀山曰凡登山有道徐行則不困措足平穩之地則不跌

又太

后族子克家言地濱海遇秋日輒如城郭之冬惠宗因命沿海屋瓦悉得黏土其加厚太后家如此薛文傑之死太后與有力焉通文元年尊為太皇太后



嗣王夫人崔氏博陵人

或云補闕崔道融文有云賢王之結嘉姻時

議之期良輔

貌陋而淫性極妬嗣王多選良家子為宮人夫

人輒搜其美者幽之別室繫以大械刻木為人手批其  
頰又以練束侍婢而鞭之練染血赤乃止復為鐵錐刺  
人面或錐其臂一歲中死者三十四人後夫人病見以  
為祟而薨或云太祖暴終實夫人鵠之一日雷震死庭

中

五國故事云一旦盛暑天無纖雲而霆電擊博陵斃于中庭

夫人雅信佛法奉福

州僧慧稜為師自稱曰練師

五燈會元載闍師夫人崔氏遣使送衣物與慧稜禪

師曰練師就大師請回信師曰傳語練師領取回信須  
史使却來師前揖便回師明日入府練師曰昨日謝大  
師回信師曰却請昨日回信看練師展兩手帥問師  
曰練師適來呈信還慙大師意否師曰猶較些子

惠宗后劉氏本南漢清遠公主貞明三年太祖為惠宗

娶之

南漢已  
有傳

惠宗繼后金氏賢而不見答自陳后立而后寵益衰後  
事不概見

后陳氏福唐人也

金鳳外傳云福  
清萬安鄉人

父侯倫少年美丰姿

唐末事福建觀察使陳巖以色見嬖得出入卧内與巖

妾陸氏通有娠未幾巖卒妻弟范暉自稱留後陸託于暉生一女是夕夢飛鳳入懷因小字金鳳冒姓陳即惠宗后也太祖入閩攻殺暉金鳳流落民間族人陳匡勝收養之開平三年太祖選良家女充後宮時金鳳年十

七性度窈窕善歌舞

通鑑又云  
陋而淫

太祖名為才人

通鑑云  
本審知

侍婢其寵幸與黃夫人比常築水晶宮于西湖旁列亭榭

十餘里金鳳時扈從出子城複道中出遊然不及蕩惠宗時御紫宸門宣見大悅封為淑妃甚嬖之龍啓元年

立為皇后追封其假父陳巖威武軍節度使母陸氏長樂郡夫人族人守恩匡勝為殿使始築長春宮居之惠

宗數于其中為長夜之飲每宴輒燃金龍燭數百枝環左右光明如晝勅宮婢數十擎杯盤多金玉瑪瑙琥珀玻璃之屬以次遞進不設几筵酒酣裸逐嬉笑以為樂

外傳云延鈞張長枕大牀擁金鳳與諸宮女裸卧又遣使于日南造水晶屏風周圍四丈二尺與金鳳淫狎于內令宮女隔屏覘之二月上巳延鈞修禊桑溪金鳳偕後宮雜衣文錦列坐水次流觴娛暢沉麝之氣環珮之聲達于遠近途中絲竹管弦更番迭奏端陽日造絲舫數十于西湖每舫載宮女二十餘人衣短衣鼓楫爭先

延鈞御大龍舟以觀金鳳作樂遊曲使宮女同聲歌之  
曲曰龍舟搖曳東復東采蓮湖上紅更紅波澹澹水溶  
溶奴隔荷花路不通又曰西湖南湖鬪綠舟青蒲紫蓼  
滿中洲波渺渺水悠悠長奉君王萬歲遊遊人士綺繡  
夾岸雜市雜惠宗晚年得風疾后遂與幸臣歸守明私百工  
杳如市

院使李可殷少與守明狎因守明以通于后出入殿內

惠宗常命錦工造鏤金五綵九龍帳于長春宮

一云織八龍帳

外以已為一龍既成進之守明日宿于內國人歌曰誰謂九龍

帳惟貯一歸郎李倣作亂后與匡勝守明俱見殺

康宗元妃李氏故惠宗甥女同平章事敏之女也累封

梁國夫人康宗嬖李后遇夫人甚薄終于其位

康宗后李氏本惠宗宮人名春鶯

一云李做之妹疑非金鳳外傳云延鈞

為春燕造東華宮以珊瑚為椀榆琉璃為櫺瓦檀楠為梁棟真珠為簾幙範金為柱礎

有色康宗

烝焉惠宗已病康宗因陳后以求春鶯惠宗怏怏與之

康宗嗣位立為賢妃行則同輿坐則同席及通文改元

復立為皇后別造紫薇宮為皇后遊幸之所土木之盛

逾于東華連重遇之亂康宗同后出北闕至梧桐嶺為

皇從子繼業所殺

一云觸墻死時通文四年七月十三日也

葬蓮花山側冢

上有樹生異花似鴛鴦交頸時人名曰鴛鴦樹先是陳  
后與惠宗亦葬是山後南唐師敗李仁達于古城亂兵  
發諸陵剔取寶玉后及陳后容色如生鮮血流漬山為  
之赤世遂呼其山曰胭脂山

景宗后李氏司空李真女也永隆四年冊立為皇后嗜酒  
剛愎景宗寵而憚之朱文進之亂竇后激成之已而見殺  
賢妃尚氏金吾使保殷之女也

閩錄作尚可殷之女今從十國紀年

永隆

初立為賢妃妃有殊色景宗最憐寵焉醉中妃所欲殺

則殺之所欲宥則宥之

天德皇后張氏故富沙王妃也天德元年富沙王稱殷  
帝立為皇后

武肅王審邽

子延彬延美延武孫繼崇繼勳

太祖從弟彥復 想

太祖子延喜

延武

延望

延宗

子繼業

從子延興

延虹延豐  
延休附

族子延嗣

審邽

五國故事  
故圭

字次都太祖仲兄也乾寧元年權泉州刺



史三年實授四年加工部尚書五年加金紫光祿大夫  
檢校戶部尚書光化二年加兵部尚書瑯琊郡開國男  
三年加左僕射進開國侯尋授威武軍節度副使天復  
二年加司空三年加司徒進封開國公食邑七百戶在  
政十二年為人喜儒術通春秋善吏治流民還者假以  
牛犁興完廬舍中原亂公卿多來依闕審邽遣子延彬  
作招賢院禮之振賦以財如唐右省常侍李洵翰林承  
旨制誥兵部侍郎韓偓中書舍人王滌右補闕崔道融

大司農王標吏部郎中夏侯淑司勳員外郎王拯刑部  
員外郎楊承休弘文館直學士楊贊圖王侗集賢殿校  
理歸傳懿及鄭璘鄭戩等皆賴以免禍卒謚武肅王葬  
于晉江皇積山徐寅謨墓碑文

碑文有皇者天皇積者  
勲績之語人以為獻諛

子延彬延美延武

延彬天祐初太祖承制加平盧節度使權知泉州軍州  
事二年實授開平三年加金紫光祿大夫轉右僕射封  
瑯琊郡開國男尋轉司空四年加雲麾將軍乾化二年

授特進階加檢校太保進封開國伯五年加檢校太傅

權知泉州刺史四年加檢校太尉延彬再任泉州前後

歷二十六年

一云十七年

吏民安之每發蠻舶無失墜者時

謂之招寶侍郎會得白鹿紫芝僧浩源以為王者之符

延彬由是漸驕縱密遣使浮海貢梁求泉州節鎮事覺

太祖誅浩源及其黨黜延彬歸私第卒贈雲州節度使

兼侍中葬雲臺山閩人亦謂之雲臺侍中延彬多藝工

詩歌頗通禪理而性豪華中櫛冠履必日一易解衣後

輒以龍腦數器覆之先是延彬生泉州佛舍始生時有  
白雀巢于堂中凡三十年迄延彬歿遽失所在人咸異  
之五國故事云延彬日亭午方起雅能為詩辭人禪客  
謁見多為所屈宅中聲伎皆北人將求伎必圖已形  
而書其歌詩于圖側題曰才如此貌如此以是異其見  
慕也進士徐寅常為人生幾何賦後因修合求藥于延  
彬延彬即書賦辭于札尾報之其風流多此類也延彬  
有詩曰兩衙前後訟堂清軟錦披袍擁鼻行雨後綠苔  
侵履跡春深紅杏鎖鶯聲因携久醞松醪酒自煮新抽  
竹笋羹也解為詩也為政儂家何似謝宣城人多誦之

延美龍啓二年官泉州刺史無何卒

延武永和元年任泉州刺史有能名尋加太傅進開國

伯通文元年改建州刺史

繼崇延彬之子也長興元年惠宗墨勅權判泉州事三年加檢校司空龍啓元年加檢校太保封瑯琊開國男繼勳延美之仲子也留從效復泉州持州印詣其第請主軍府事時天德帝已稱殷國即命繼勳為侍中領泉州刺史明年繼勳納款于唐會李弘義為唐威武節度使繼勳致書修好弘義以泉州故隸威武軍怒其抗禮遣弟弘通治兵相攻

通鑑開運三年四月李弘義遣弟弘通將兵萬人伐繼勳是時

從效為都指揮使蓄異志陽以言怵繼勳曰弘通兵勢甚盛士卒以使君賞罰不當莫肯力戰使君宜避位自省乃廢繼勳歸私第代領其事隨勒兵擊弘通破之表聞于唐唐召繼勳歸金陵

彥復太祖從弟也景福初彥復為都統同太祖攻范暉于福州親犯矢石指授方畧遂陷福州城暉走死項之官泉州刺史終于其職

想亦太祖從弟隨太祖入閩以銀青光祿大夫上柱國

攝福州長樂縣令頗負幹材縣事以治

延喜太祖庶子也永隆中官汀州刺史景宗疑延喜與富沙王通謀遣將許仁欽執之以歸後為朱文進所殺延武太祖之子也于惠宗為諸弟通文時官建州刺史會巫者林興與延武不相能託鬼神語云延武及延望將為變遂被殺并及其子

延望太祖子也通文時官戶部尚書與延武同為林興所誣因被殺并及其子

延宗太祖子也任汀州刺史有聲已遷驃騎大將軍太祖凡二十八子史冊所見者嗣王惠宗景宗天德帝而外止延喜延武延望延宗數人其行次亦復不可考云  
延宗子繼業

繼業嗣守汀州亦以治績聞連重遇之亂繼業追康宗于梧桐嶺康宗投弓謂之曰卿臣節安在繼業曰君無君德臣安得有臣節新君叔父也舊君昆弟也孰親孰踈遂弒康宗于施莊永隆初改泉州刺史已而為行營



都統將兵救建州吳越兵遁還明年建州以書招之或  
告繼業與楊沂豐潛通富沙王會繼業還福州賜死郊  
外并殺其子于泉州

延興太祖伯兄司空之子也延興有弟延虹延豐延休  
司空皆舍之而讓太祖知軍務事後不知所終

又延晦亦司空

子疑先卒

延嗣太祖族子也為人慨切好直言以道義自任當時  
目為唐五經光啓初隨太祖入閩梁篡唐封太祖為閩

王延嗣諫曰義不帝秦此其時也是時強藩巨鎮多僭號稱帝太祖不無心動延嗣反復極諫力言不可太祖雖不樂其言然終身不失臣節延嗣亦與有功云

惠宗子繼韜

繼鎔

臨海郡王繼恭

建王繼嚴

從子仁達

繼圖

景宗子閩王亞澄

從子繼柔

繼隆

天德帝子繼沂

從子繼昌

繼成

繼韜惠宗次子也康宗為福王時與繼韜不協李倣之

變同陳后死焉

繼鎔惠宗第三子也康宗既罷繼嚴兵柄以繼鎔判六

軍

繼鎔一作繼鏞

繼恭惠宗子也

歐陽五代史及冊府元龜皆以繼恭為景宗子誤

通文中官威

武節度使康宗使上表告嗣位于晉明年晉封繼恭臨海郡王連重遇之亂繼恭與諸王並死于陔莊

繼嚴亦惠宗子康宗時封建王判六軍諸衛事得士卒心康宗內忌之俄罷其兵柄更其名曰繼裕永隆時仍

名繼嚴授泉州刺史復得衆為景宗所惡鳩死

仁達惠宗從子也積功至樓船指揮使王延稟再攻福州仁達伏甲舟中偽立白幟請降因斬延稟子繼雄復縱兵擊其衆左右昇延稟走為仁達所獲仁達既有大功隨典親兵性慷慨言事無所避惠宗心忌之一日謂仁達曰趙高指鹿為馬以愚二世果有之邪仁達曰秦二世愚故趙高指為馬非高能愚二世也今陛下聰明朝廷官不滿百起居動靜陛下皆知之敢有作威福者

族滅之而已惠宗慚賜與金帛慰安之退而謂人曰仁  
達智畧在吾世猶可用不可遺後患卒誣以罪殺之  
繼圖惠宗從子也龍啓中謀反伏誅

亞澄景宗子也永隆中官同平章事判六軍諸衛封瑯  
琊王居數月遷威武節度使兼中書令改號長樂王明  
年進封閩王連重遇朱文進之亂也亞澄母李后實以  
語激成之事具本紀中而亞澄亦死于其難

繼柔景宗從子也景宗常宴羣臣于九龍殿繼柔不勝

杯勺私減其酒景宗怒並贊酒客將俱斬之

繼隆亦景宗從子一日以醉失禮為景宗所殺國人寃之  
繼沂天德帝之子也國亡後居廣陵周世宗得揚州撫  
存有加

繼昌天德帝從子也天德帝建殷國以繼昌為門下侍  
郎同平章事未幾改殷為閩以福州為南都以繼昌鎮  
其地督南都內外諸軍事繼昌暗弱嗜酒不恤軍士李  
仁達作亂闕與戍將吳成義同死于府舍

繼成天德帝從子也朱文進滅王氏繼成與繼勳二人以踈遠獲全及留從效以泉州奉繼勳漳州將程謨亦殺刺史程文緯立繼成權州事繼成納款于唐久之唐徙繼成和州刺史遂終于其官

太祖女某郡主

郡主失其封號太祖女也福州之北嶺有胭脂團周匝二百餘步膏潤不毛四時作殷紅色相傳郡主梳粧樓在焉

十國春秋卷九十四